



光緒順天府志

地理志
寺觀
冢墓

ル 5
1481
12



門牌 6
號 1481
卷 12

門牌 5
1481
12

地理志七

寺觀

光緒順天府志二十五
江陰繆荃孫纂

幽冀象教始於元魏盛於隋唐遼金元明又復崇尚一時上行下效大璫巨室爭出金錢布施以為邀福之計琳宮紺塔崇隆畿甸而況田盤峙其東大房束其西山谷幽渺縹流翕看靈跡既著名緣遂深仰瞻招提倍思禪悅近今民力彫敝修築之風亦少衰矣爰考其締構類其事蹟以為此篇增都城伽藍之後亦鏡古者之所資也志寺觀

良鄉

天王寺在縣治東南

寺舊為僧會司

良鄉楊志

宏恩寺在縣西南二十里大道旁



寺為明萬厯壬寅御馬監太監楊君用建

舊聞考一百三十三
楊志云天啟中建

誤

後神宮監太監趙良御馬監太監盧永壽張然重修規制宏

做為邑中第一大刹庚戌賜佛大藏經及諸品佛經

据王舜鼎
宏恩寺碑

寺外古木成林綿亘里許夏日濃陰夾道行人至此煩暑為之

頓消

良鄉
楊志

康熙五十七年重修乾隆時燬於火奉

旨修復

舊聞
考

有慶寺在縣南郊勞臺西

寺於乾隆二十五年建

舊聞考一
百三十三

壽因寺在縣北三里許塔灣邨

明萬厯中僧人體空建原名十方院

國朝康熙五十一年莊親王隨

駕過此重修迺易今名有碑在寺內院宇清幽花木繁盛往來使

者多駐節於此

良鄉
楊志

恩惠寺在燕谷店西石路旁

寺建於明後有藏經閣係明時頒發

良鄉
楊志

固安

法華寺在縣口二十五里白垩

遼重熙間建有碑記

固安
陳志

龍泉寺在縣東十八里知子營

遼統和十年建元至正間重修有碑記

固安
陳志

慶圓寺在縣南二十里新務

元皇慶元年建有湛然同寂碑銘

固安
陳志

慧峰寺在縣南五十里林城邨

寺遼大安七年建王鼎作記明崇禎二年重修進士葛逢夏有

記固安陳志

石佛寺在縣東二十里永定河德義鄉

康熙間河水漲溢漂流石佛像九尊止于是邨眾異之構殿祀

焉累著靈蹟今佛像每逢陰雨則通身皆潤若遍體如汗滴則

天必大雨固安陳志

永清

三塔寺在城外東南隅

一名會福寺唐刹也

上林彙考宋之問題會福塔院詩如湧浮圖近紫霄芙蓉仙苑禮羣僚海天遙奉

金輪日盡遺禎祥歸聖朝

周堊麻二年二圓八团武隆縣令聞生元相造為

金輪堊神武皇帝造四面象并浮圖一所永清周志旁有明王象雲

撰碑明萬麻十一年重修有張惟誠撰修寺碑記據萬麻重修會福禪林記

龍泉寺在縣西北十五里辛窖邨

一名龍演寺唐時所建西阡為白石塔約高七八丈隆起半空

其基四面雕鏤綺構交螭瑣紋極為工緻上共十三層簷角風

鈴猶有存者年月磨滅未識何代始也

舊聞考一百二十三

隆慶寺在縣西十三里义口

寺本名遵北建于遼天佑乾統九年明改寺名萬麻十七年重

修有張惟誠撰修寺碑記據萬麻重修隆慶寺碑舊有香爐石基在殿乾

統中所立今已無矣永清周志又中义口隆興寺遼開泰三年建塔

於此今塔已廢惟有白石香爐高廣尺許形製古樸篆文漶漫

不可辨有明萬麻十年御史傅好禮撰碑記寺院册

龍泉寺在縣東南五十里信安鎮

遼太康時王孝子若沐施地建金天眷元年比邱去憂與其徒

再建法堂一座中繪毘盧四智佛象兩邊十六高僧大定二年

敕賜號曰普照禪寺有侯邦達撰碑記三年庚辰立据大定普照禪院碑

記明天順五年比邱行奎重修有趙昂重修碑記一後殿有心

經半截殘碑首書奉為燕國范陽王唐時物也碑嵌入壁間寺

東有井出甘泉可供十方之眾院內果樹一百餘株濃綠灑襟

蔥蔥鬱鬱鎮又有萬彙寺有正德十二年御馬監太監張忠鑄

銅鐘一上鑲三十五佛名下鏡般若密多經又順治口年修寺

碑一劉瀾撰文永清周志

保安禪寺在縣南南辛溜

寺建於明宣德初寺僧覺昂創始也有成化十八年壬寅修寺

碑記久之淪入地中康熙四十年縣人重修掘地得之重立於

殿東龜趺之上迄今苔暈猶存寺內有宋燕山府永清縣景隆

鄉新留里王士宗建幢上刻智炬如來心破地獄真言宣和七

年立又金中都大興府永清縣景隆鄉張口口建幢刻陀羅尼

經呪明昌三年立又有明嘉靖四十四年碑記永清周志

玉皇閣在縣南龐各莊

閣為宋真宗時舊基龐公某置腴地五十畝龐各莊因龐公得

名也据萬厯修建玉皇閣碑有碑五尺餘卧土中字跡漫滅惟慶字完好

前人以為宋碑又有萬厯三十七年修建碑記永清周志

東安

定覺寺在縣西北五十里常道鄉

寺建於唐垂拱三年并賜額五代時燬於兵遼天慶間承直郎

張銑復為建立至金天會三年成正隆間韓承彥重修大定元

年奉直大夫楊俊卿復新之又有古營寺金明昌五年建圍城

寺明昌六年建俱有碑存舊聞考一百二十六今古營圍城二寺已廢寺院

崇國寺在縣西北四十里僧法頭邨

金天會五年建有碑

東安李志

甯國寺在縣西北五十里留犢邨

金大定三年邑人曹瑛建有碑

東安李志

廣善寺在徐邨里固城莊

寺卽唐之靈應寺明洪武元年太監何至淵重建有碑景泰三

年立寺內有浮圖一夕風雨中頂忽飛去今殘塔半枝湧出林

表盤野鶻於空中迴倒影於天際誠佳景也

東安李志

興勝寺在縣西北三十五里順民屯

寺金時建

東安李志

靈巖寺在鳳河南

金大定五年僧供寶建

舊開考一百二十六

淨安寺在固城里惠化鄉

寺明宣德三年太監張盛建正統四年賜額有碑

東安李志

香河

隆安寺在縣治東

俗名東大寺建自元時

香河劉志

明宣德間僧福海欲修之不果成

化三年僧戒明始修之有成化十二年禮部郎中直文淵閣關

西倪讓撰碑立碑時戒明嘗聞寺背有一龜跌湮沒無訪跡焉

主僧每自詣聖前虔誠懇祝以龜跌請禱一日羣兒戲于寺前

忽一兒見之淺土中入寺走報遂命工廣穴引出土眾聚觀無

不駭異咸曰主僧虔誠所致云

據重修隆安寺記
國朝順治五年僧性慧重修寺有靈塔塔廢僅存銘石高四五尺

計八角濶徑尺元時僧定仁塔也舊聞考一百十八

隆興寺在縣治西

俗名西大寺亦建自元時有塔高十丈舊名孫百萬寶塔香河劉志

寺既頽廢塔亦圯明嘉靖間僅存遺址至萬厯四十年知縣徐

一鳴壘石高之亦為文筆峯舊聞考一百十八並修寺有邑教諭馬如

龍撰碑記後又頽毀

國朝康熙八年邱文科等重修香河劉志

鐵佛寺在縣東南十六里

寺舊有鐵佛像高丈餘元至正中佛見夢於僧曰吾緣法不當

住此將辭汝去僧以鐵鑲鑲佛臂一夕竟移去東光寺獨所鑲

臂存至今為寺供養燕山叢錄

棲隱寺在縣南三十里

寺係遼時建內有康熙六十一年住持僧德意重修碑記寺有

香城塔高五丈餘亦遼時與寺同建者香河劉志

通州

佑勝教寺在州治西北隅

寺內有浮圖十三層高二百八十尺下作蓮華臺座高百二十

尺周圍百四尺虛中以祀佛名勝志宇文周時所建唐貞觀中尉

遲敬德修元大德間都哩都爾蘇再修景物略按原作篤列圖述今從舊聞攷譯改

明成化十二年文珍李昇等又修上有鐵矢舊以為金將楊彥

升所射

國朝華亭朱溶攀躋絕頂往視其跡謂循塔極而下分為觚者八

當觚處建瓴甃若鴟吻其上以其高危易墜也隱以鐵柱拄持

瓴甃內歲久剝落鐵柱出遂謂若矢耳順治間塔益圯毀眾莫

能治久之老僧來曰遲我耶故明時有語我者緣乃今至矣
遂始以康熙庚戌正月而訖功於是年之十月約共費二千金
又以餘力並塔築廊室蔭學道者又治銅爲鐸周塔上下聲可
聽或風大作疾霆甚雨駭電則鐸聲益奮聞者咸心動震怛云
朱溶然燈佛舍利塔記 同治六年邑人王均瑞等重修并添建紫雲宮
州通志

靖嘉寺在州治東

原名慈恩寺俗呼大寺元至正二年建明初置僧正司於內正
統十年賜敕一道藏經一函天順二年敕名靖嘉宏治十年燬
州人王鑿等重建至正德十年僧正文端竣工知州藍晟撰記
萬厯末盡圯州人楊宗仁募建州紳劉廷諫撰記

國朝順治七年州人田大祿於寺建寶莊嚴閣造滲金銅塔工未

成歿康熙九年大祿子永隆出貲竣工州人康政撰記
靖安寺在州治東 通州高志

金大定十三年建明洪武間修萬厯十年僧妙來重修州人劉
效祖撰記 通州高志

寶通寺在州新城南門外

明天順七年內監張文鋒建敕賜額名寶通禮部尙書姚夔撰
記成化五年戶部尙書薛遠撰碑

國朝順治間內監劉應詔等重修 通州高志
立禪庵在張家灣

卽唐淨業院大麻中所建明宣德三年因趾重建改名淨業寺
嘉靖中僧時寶募修陸光祖撰記今名立禪庵 通州高志

法華寺在州新城西北

明萬厯間建

國朝康熙四十六年僧愍凡重修州人馬士璿撰記年久漸圯咸

豐九年僧空秀募化重修時厯十年煥然改觀改名法華禪林

通州高志

三河

萬壽寺在縣署

寺建自

國朝舊有延福寺

元崇國寺碑陰

蓮宮寺元普安禪師建

道園學古錄

今久廢

武清

隆興寺在縣治南

建自明洪武中康熙辛巳僧祖洪修有宛平趙東旭撰碑

寺院册

法昌寺在縣治東北

明永樂十八年建

武清吳志

寶坻

大覺寺在縣東

舊為下管院遼重熙時老僧洪源建彌陀佛舍天慶六年建毘

盧殿尋更為十方院其後又建彌陀殿與兩廡及藏經之所內

經一藏漆函金飾工制瑰璋刻毘盧壇覆以毳幙珠纓寶幟文

采燦然又建東堂及鐘樓開園鑿井甃垣一周有金張瓚撰寺

記寺有大鐘亦遼時物

舊聞考一百十三

廣濟寺在縣西街

遼僧宏性及門人道廣創建結構精巧其中三大士暨環侍諸

天神貌一一奇古不類近代衰或曰乃劉元所改塑也有遼碑

二一銀青榮祿大夫檢校司徒宋璋佛殿記太平五年立今尚

存一重熙五年立年號猶標記於碑旁蓋卽一碑而上下連書者後斷其半碑下尙餘字蹟寸許殿後爲寶祥閣高數十尺凭闌遠眺崆峒諸山歷歷在目

寶坻洪志

洪福寺在平政橋

亦古刹高閣峻嶒虬松遠蔭渠水經其前新秋澄霽一望蔥然

寶坻洪志

朝霞寺在縣西五里

寺創于明時有臺高二丈餘上爲準提殿相傳日將出先有光射於殿角日沒亦然

寶坻洪志

甯河

霧臺寺在縣西南蘆家務

昔傳寺在河西居人邨落在河之東拜往跋涉邨中有一老嫗

每日渡河虔禱前後四十餘年不倦忽一日濛霧四塞杳冥晝晦但聞半空風濤聲居民盡駭晴明視之寺已巋然河東矣故

名甯河

關志

鐵神廟在縣南劉家河

相傳昔有老翁夢神降於室曰我海神也當爲我築宮其人不解所謂早起往來河滸見有鐵像端坐水涯始悟神語因徧告鄉人謀建廟宇然未識神之憑依何所也遂請於神以索擡之期索斷處卽爲廟之基左右環走至劉家河西首而索四裂於是卜吉成之往禱亦輒驗云

甯河關志

魚骨廟在縣治南神塘

地近海當年有巨魚浮岸上其骨大且多土人因取之修一廟其杙櫨枋椽俱用魚骨爲之

甯河關志

昌平

昭聖寺在州西北

唐乾符六年建明正統十三年奉敕重修昌平志寺有廣大圓滿

大悲心陀羅尼幢一開元中三藏沙門不空奉詔譯劉詔書舊聞

考一百三十五又州東北有聖壽教寺亦乾符六年建昌平志

龍泉寺在芹城邨龍潭之上

寺唐天祐中造芹城有龍潭大逾九畝寺名所由起也舍利寶

塔亦同時所造又有海雲國師及大慶壽尊宿塔據龍泉寺石刻明宣

德間嘉興大長公主偕駙馬都尉濟延修之又建望景軒成化

三年十月釋道深撰碑黃圖雜志

九聖寺在州治東

遼乾統五年建昌平志寺有舍利塔一曰...

法華寺在州東北銀山鐵壁之麓

寺即大延聖寺金天會三年建明正統十二年重修領七十二

庵為唐鄧隱峰藏修之所又有鐵壁寺大萬聖寺土人評為張

開寺昌平志

昭化寺在州南玉泉山

寺不知創於何時在玉泉山之麓寺踞山半泉流瀲灩繞石有

聲夾道松陰撲人涼翠游人題詠叢雜壁間疑非塵境寺院冊

奉福寺在州西北湯峪川

金永安年間建按金無永安年號係承安之誤元至正初奉敕重修昌平志

流沙寺在鞏華城北門外

元皇慶年間建昌平志

聖恩寺在崔邨

明正統三年建四年落成賜額聖恩禪寺翰林院編修劉昇撰

碑記木葉山花記其地四山環寺東至大獨山南至南阿坡西至鈞

魚坡北至將軍陀龍象莊嚴鐘唄清朗一邑中勝概也昌平宋志

瑞光寺在州治後巷

寺明成化十年奉敕建昌平吳志

元福觀在州南迴龍店

宏治十七年建俗評迴龍觀昌平山水記

呂真人祠在州城西大街

明陳洪範建有明尚書董其昌撰碑昌平吳志明董其昌呂

德意以為清靜所宗己而觀真誥所載類所主在忠孝節義清

靜其寓境也若呂真人於東溟陳大將軍有可異者將軍兒時

過道者眼光射人熟視公曰孺子勉之異日統數百萬衆自矢

國家干城幸自愛髮未燥即喜習尚父司馬兵法以報國自矢

己未春會遠左四路進師公當後勁失利被創墮馬僵臥草中

見兒時所遇道者相慰勞云救爾者至矣忽聞馬蹄聲數百遂

以馬乘將軍疾馳而歸始信真人記荊不虛耳將軍念真人與

有夙緣節鉞所至必為立祠紅螺固其家山至若在甘肅則祠

隙地建堂三楹丙舍為丹室崇門邃廡視諸祠尤雄麗惜將軍

未遇早遂其談笑封侯之意然隨在必著壯猷與威大將軍後

先伯仲將軍祠呂公之意政未可量也我鄉本一禪院亦有回

一段奇事適將軍礮石索子言遂書所遇真人始末歸之公諱

洪範字九疇別號東溟祠始於癸卯秋成於甲辰之夏云

上方寺在駐蹕山

寺在山上十八盤南為仙人陀又一上方寺在州南口寺院冊

白瀑寺在鎮邊城

寺不知何時所創造寺中畫壁碑志皆金大定年物舊聞考一百三十五

丹青圖海會斷碑文字記完顏唄餘盤石僧初會齋罷生臺鳥

未還世上紅塵應不又有德勝寺在德勝泉上相傳以為唐刹

到正宜長日掩柴關

昌平吳志

頁三十五

香巖寺在永豐鎮

寺舊名彌勒院

本朝康熙五十九年重建改今名一統志

密雲

大安寺在縣東五十里

北齊天保五年建金承安四年重修舊名白猿院密雲丁志

龍興寺在縣治北

寺相傳為唐鄂國公尉遲敬德所造明趙昂重修龍興金寺碑金大安中元

大德中屢次修治明成化十七年總兵王榮重修嘉靖元年又

修俗名錐塔寺有明翰林院編修趙昂碑記密雲薛志又有清修寺

在渤海寨亦云唐鄂國公建密雲丁志

卧佛寺在青銅山下

唐建明嘉靖中重修又有聖德寺在羊山莊聖壽寺在黃家莊

均唐時舊趾密雲丁志

治山上寺下寺在縣東北

兩寺並遼重熙中建密雲丁志

清都觀在縣西北清都山

金大安二年道人杜宗道建元至元時洞陽真人煉藥其地改

洞真宮洪武二十四年置道錄司有皇慶元年翰林院倪堅撰

記舊聞考一百四十一

祐國寺在縣南十里鋪

至元八年建明正德二年重修密雲丁志

香巖寺在縣東二十五里

元至正年建內有鴨腳子一株俗名白果寺密雲丁志

崇福寺在縣東栗園莊

元至正年建明嘉靖時重修又有塔山寺在北省莊地藏庵在

西石駱駝莊均元至正三年建觀音庵在荆子谷天盆寺在賈

家莊龍泉寺在八里莊開元寺在太史莊亦至正年建密雲丁志

慶峰觀在縣南

元人建明洪武十六年道人郭東峰重修邑人魏尙儒重修禮

部侍郎張文憲撰碑記密雲丁志

霞峰觀在縣北四十里

白檀山北曰水谷表延峰嶺林木森秀有宗師霍道隆於元延

祐二年棲隱其間建道院一區據李志明甯霞峰觀記後魏志和修煉於此

嘗有霞覆其上密雲丁志因名觀曰霞峰既而史志端李道純楊道

勉劉道本共成之據王道亨霞峰觀記

順義

開元寺在縣東隅

又名龍興寺俗稱東大寺唐初建大厯五年試太子洗馬鄭宣

力撰碑金節使剛忠王公子明死節於此舊聞考一

締興寺在縣西南

俗稱西大寺明洪武八年建舊聞考一百三十八

靈蹟院在牛關山後

俗訶頭陀寺寺後即靈蹟山東頂時現佛光及塔影至唐天寶

三年鄉人因即其處建石塔三座後金牛蹄跡靈異尤多院名

靈蹟蓋以此也

國朝康熙五十八年把總郭永年修建順義黃志

廣濟寺在縣北十里

寺本舊趾明宣德中僧道明建正殿並左右廊廡鑿池植荷朱闌四角圃中桃李梅杏牆外松柏槐柳濃蔭萬綠雲煙吞飲爲畿北勝境有明趙杲碑記順義黃志

白雲觀在呼奴山

元建有大德八年集賢學士宋渤碑涿水亭雜識又有崇慶寺元至

順間建明萬厯間重修順義黃志

彌陀寺在城西北灘頭邨

明天順中邨人范福賢暨僧知暄因舊址創建大殿後僧清讓淨安來寺住持復建左右廊廡繚以垣墉寺旁置地數十畝植果百株神宮監趙琮復資助之爲請於朝得賜額有明李温撰

碑記順義黃志

懷柔

祇園寺在南門外

寺本名三教堂久頽廢康熙四十九年

聖祖經臨發帑金修造

勅賜名曰祇園又賜

御筆泥金楷書心經寶塔一軸謹藏寺中寺僧給銀米歲有常額

每歲中元孟蘭會最盛會者常數萬人寺院冊

砥堂寺在縣東髻髻山

舊名寶泉寺懷柔吳志 按一統志作漢時名曇雲寺明正德己卯重修改今名有

刑部主事王源碑舊聞考一百三十九

資福寺在縣北紅螺山

原稱大明寺創建於唐環寺諸峯如龍如鳳嘉林翦鬱微逕幽邃白雲青磻變絕塵囂是宜有道者之隱於此焉山下有小潭

奇石森衛水色澄碧中有二螺色殷紅每夕能吐光燄絢輝林麓居人以為靈異遂名其山後紅螺死瘞之寺中今雙浮圖存

焉金大定間世宗遣使請佛覺禪師於真定之洪濟以鎮茲山

据樊從義大明寺碑至元仁宗時詔雲山禪師主大聖安寺內侍大司徒

王伯順以大明為聖安宗派請太皇太后發帑金五萬為修寺

之資至正中雲山從聖安歸老於此復捐前後所賜金帛重修

焉懷柔吳志寺規制雄古簷布鐵網殿前古槐二株

國朝康熙二年

聖駕臨幸設

御座於山亭亭下有竹甚茂

上命內侍記其數凡六百餘竿云今竹已芟夷幾盡矣一池曰紅

螺池三面皆果園花時遊屐頗盛有元至正十六年樊從義大

明寺碑縣北景山有定慧寺明正統七年太監夏口建已廢萬

壽齊天二塔尚存有正統八年尚書胡濙撰碑舊聞考一百三十六

宏善寺在縣東邵渠莊

寺在鳳林山下本宏善寺故址明正統中常德公主捐資興建

規制宏麗屋宇幽邃勅賜寺額曰宏善寺久傾圯有正統九年

祭酒李時勉碑

國朝康熙中僧德雲獨力耕植不事募化銖積寸累悉儲為修造

之資數年之間寺宇煥然悉還舊觀焉懷柔吳志

雲巖寺在縣東栲栳山

山向有道院名栲栳磚創自金乾統中義琛禪師所居參訪受

法者前後三百餘人義琛入定坐化備著靈異有沙門圓揆塔

記道院年深毀壞明景泰間御馬監太監阮讓捐資重建鑿山

開基崇墉廣廈比舊增倍事聞敕賜爲雲巖寺賜經一藏并寺前越府草場地與寺內永爲香火有二碑一尙書胡濙撰一沙門德洽撰讓交趾人厯事四朝陞擢御馬監先後督軍征勦苗寇屢次立功留鎮湖廣後卒柩還賜葬寺左其後寺田爲人侵奪廟宇亦漸頽毀成化中太監潘瑛奏復前地寺獲更新有商輅重修寺記碑明末復廢

涿州 國朝康熙中僧來寬漸次修整始復舊觀焉 懷柔吳志

雲居寺在州治東北

寺創自唐時有浮圖高二十餘丈周圍三十餘步有修建碑記

涿州吳志 智度寺在州治東

寺在雲居寺前亦創于唐前有浮圖高二十餘丈周圍三十餘步後復一臺高二丈廣百五十步中有佛殿有重修碑記 涿州吳志 普壽寺在州東三里

一名清涼寺浮圖高七八丈又一臺高二丈餘周圍幾二百步又東南起一臺爲觀音閣可以登眺有萬厯中重修碑記 舊聞攷一

福聚寺在州北挾河邨 康熙四十四年建并

賜額一統 房山

萬壽寺在縣西岢羅陀 俗評天台寺相傳寺有老僧日誦佛萬聲以豆記其數久之每

誦一聲豆輒自躍過人目爲豆兒佛是時陳皇后浴於宮中澡
豆忽躍心悸有言及豆兒佛者迺出金錢建寺焉析津
日記
香光寺在縣西韓姑砦

寺爲唐寶積禪師所建右卽寶積遺塔明永樂間賜姚廣孝爲
別業久而荒廢萬厯二十二年御馬監張其重修并賜藏經貯
焉舊聞攷一
百三十先是萬厯壬辰朔坤宮管事菩薩戒弟子于景科
女常夢遊上界寶寺題曰香光佛刹也適使于女傳旨于御馬
監張其徧燕山飯僧因囑所夢寺名當識之過五年至丁酉秋
又奉命適小西天上方寺等處飯僧一夕抵韓吉邨店宿行經
路北見破瓦頽垣古寺基也詢諸鄉民曰此少師園也夜見火
光或聞虎鳴豐草滿園毒蛇交橫鄉民畏憚任其荒蕪其異之
因披尋古蹟獲斷碑於荒草間始知大唐所造香光佛刹也遂

歸報因而重修之事亦異矣房山
終志

上方寺在縣西南五十里

自孤山口西行約十二三里行篋游騎寄頓下接待院厯枯磗
二里許至山門榜曰兜率禪林又里許上石梯二百級磗旁皆
飛瀑宿痕挽鐵縵而上是爲上接待院倚壁皆僧舍又半里入
上方寺左有一斗泉帙石山房十笏以奉大士下有文殊洞上
普賢洞寺爲明萬厯初太監馮保修有碑殿後有四十二章經
置於壁筆法道整不知倩何人書也國門近
游錄寺有蘋果園園中
蘋果二株入秋結實甚繁山僧不忍摘果旣熟暈青紅色絕
可愛法華經妙莊嚴王言如來唇赤好如蘋果可謂善於喻
物者矣上方
山志

天開寺在六聘山

寺創於漢自唐以來屢歷兵燼始復荒廢元至元十年僧普應

修建据天開寺碑記寺中有元碑三其一從仕郎翰林國史院典簿順

聖魏必復撰并書至元二十八年立末書石局副使李文秀鐫

其一香山永安寺住持沙門惠川口珪撰并書後至元三年四

月立其一石經山雲居寺住持沙門西源洪注撰并書至正十

二年立又有陀羅尼石幢字多磨泐無歲月可攷國門近遊錄曰天

開者以寺前山谷天然開朗也吉金貞石志

雲居寺在石經山

北齊南嶽慧思大師慮東土藏教有毀滅時發願刻石藏闕封

岩壑中座下靜琬法師承師付囑自隋大業迄唐貞觀大涅槃

經成其夜山吼生香樹三十餘本六月水浮大木千株至山下

構寺額以雲居名之唐明皇第八妹金仙公主修之洪武二十

六年又修之山上雷音洞高丈餘四壁刻經四柱刻像前石有

扉維以開閉几案瓶罏皆石臺有欄橫與堂亘堂左洞二右洞

三堂下洞二皆經唐迄元代有續刻經目列石幢人傳石洞火

龍所穿也山下左右東峪寺西峪寺後香樹林香樹生處也夢

堂庵唐夢堂師居處也林後琬公塔也萬厯壬辰達觀和尚觀

像設衰頽石版殘蝕率僧芟除啟洞拜石經石下有穴藏石函

一尺上刻大隋大業十二年歲次丙子四月丁卯朔八日甲戌

於此函內安置佛舍利三粒願住持永劫三十六字發眎得小

金瓶舍利狀黍米色紫紅師聞于慈聖太后迎入供養函瓶以

金外函覆之安置故處僧慈山撰雷音窟舍利記刻之石山有

隋碑二一仁壽元年王臣暕碑一仁壽元年王邵碑唐碑五一

開元十年梁高望碑一開元十五年王大悅碑一元和四年劉

濟碑一景雲二年甯思道碑一太極元年王利貞碑遼碑二一趙尊仁碑一天慶八年沙門志才碑元碑二一至正元年賈志道碑一至正二年釋法真碑山半有庵曰半山庵帝京景物略永壽寺在縣西南十里

寺創于明僧真英繼之者僧性澗訖事者僧寂經有曹葉碑記

房山王志

金山寺在縣西南二十里

舊名蘆子水院上有香水池冬溫夏涼每當夏日茵苔墜紅松篁蔭綠清氣芬馥時時逼人建于金皇統間有重建碑記房山志木巖寺在縣西南十八里

寺不知建于何時按郝勳碑云法師了空開山于梁天監二年當梁武天監之初正北魏景明之際涿州時為魏屬何必遠附

江東由此推之非實錄矣遼天慶元年僧定慧修明洪武初僧

洪林修嘉靖十年僧真祥修有郝勳撰碑記房山志

興隆寺在縣北十六里

本名白水寺俗名大佛寺明成化元年重修有僧道深撰碑舊聞

攷一百三十二

霸州

普濟寺在州東門外

元至正二年建今尙存遺址霸州志

文安

琴高祠在縣東北石溝河

不知創於何時乾隆三十八年重修舊聞考一百二十二

靈集寺在莊頭邨

寺有浴佛庵藏經閣僧文瀄撰記後有古檜二株傳為漢物

文安志

清甯寺在安里屯

寺有霸州韓貫撰碑

文安志

大城

興甯寺在縣東南白楊邨

寺為唐貞觀年建明成化中重修

舊聞考一百二十二

石佛寺在縣邵邨

寺創建未詳明正德辛未年重修

大城志

海目寺在縣南李坦鎮

明成化二十年建

大城志

保定

天甯寺在城東門外

寺規模廣廓殿宇森嚴創始不知何時元季毀於兵燹明宣德

元年洞明禪師修復舊觀有弘治元年僧隱庵撰碑記前有鐘

樓古鐘聲振十餘里今樓久廢而鐘尚存

保定成志

保定縣城東北隅有吉壤爽塏昔人即其地建精藍榜曰天甯
實圻內之鉅刹也經始未遑究其年代元季寺毀迨宣德改元甯
洞明禪師甫棲之觀茲廢跡遂奮志興復先於西山伐杞梓榷
柵塞川而下甄陶甍宇堆邱積岳於是漸次締構邑民施捨者
旁午絡繹其制先建殿庭至若丈室神祠祖堂繚垣屹立回廊
四合厥志未就付屬弟子遠悟遠悟能神不負所屬垣以興修為
任前建天王殿并禪堂齋廡洎山門凡叢林所宜有者以次修
畢遂能化瓦礫為祇園幻荆棘為金刹資欲樹其本必賴其資
盡性為人道之本僧園法乃宏道之資欲樹其本必賴其資
今茲營建使樹其本者有所資宏其道者有所託其於佛門可
謂大有功矣遠悟不遠千里謁余為文茂揚成績詞不逮意直
言其梗概勒諸貞珉庸示悠久云弘治元年歲在戊申四月立

勸州

獨樂寺在州治西南

寺不知何時創建遼時沙門圓新居之据感化寺統和二年僧宰塔波記談真重修有統和四年翰林院學士承旨劉成撰碑盤山志中有傑閣設大士像相傳盤山舍利塔神燈自塔而下先獨樂而後及諸佛刹云薊州沈志

國朝乾隆十八年

賜帑重修

舊聞考一百十四

廣福寺在州治北

寺傳為唐時建明正統戊午僧真澤修有少保胡濙撰碑萬厯中僧雲光邑人蔣菊再修有祭酒成憲撰碑後全圯毀舊聞考一百十四

國朝乾隆五十七年知縣劉念拔重修薊州沈志

白塔寺在州治西

寺久廢有白塔故名乾隆六十年直隸總督梁肯堂奉

敕重修薊州沈志

香林寺在州北二里

寺相傳以為剎自漢修自唐据馮有經香林寺碑明正統萬厯間一再修之有翰林院侍講馮有經碑

國朝康熙年間重修寺在薊城北翁同鵠泉流峙左右薊亭之勝

槩也舊聞考一百十四又有靜安寺在城外西北三里今久廢寺院册

感化寺在盤山

魏太和十九年無終田氏營建据乾統七年南并撰寺記唐貞元中重建薊州志

太和咸通間道宗常實二師繼踵住持幽州主帥清河張公

奏請于朝賜名寶積寺後易名感化舊有遼乾統七年僧南并

撰碑盤山志南并上方感化寺碑記略漁陽古郡之西北叢岫迤邐曰田盤山岡巒倚疊富有名寺而感化者魏太和

十九年無終縣民田氏茲焉營辦唐太和咸通間道宗常實二師前季後昆繼踵而至故碑遺像文迹俱存法堂佛宇敞乎下禪寶經龕出乎上莖有良田百餘頃園有甘栗萬餘株緇屬三百無城郭乞食之勞斯為計久之業矣金圓新和

尙宰堵波記大定中沙門法詮撰大安七年感化寺故監寺澄

方遣行碑元感化寺提點賢公長供記至正八年僧福珪撰今

俱無考舊聞考一百十五明天順八年僧德聚重修成化十一年勅改

寺曰廣濟盤山志寺東一頻婆果樹大可合抱居人云此樹歲可

得錢二十千江南橘柚五十樹不能也三易齋稿

國朝乾隆十年重建於舊基之西一里許以舊寺在

靜寄山莊地內也

勅復舊名曰感化寺薊州沈志

天香妙祥寺在盤山

舊名妙祥禪院唐建元延祐元年重修嘗有元石碣今無考乾

隆九年重建於舊基之西北二里許寺內有金石幢刻賜紫沙門圓明聰慧大師塔記貞元二年建寺院冊又有降香石龍亭石

薊州沈志

天成寺在盤山

一名福善寺寺門有樓下瞰山麓如深巷屈曲砌泉苔石厯厯

可數遠眺林巒攢簇天成圖畫或曰盤山圖經稱四正山四山

迴合天然城郭故舊有天成之名舊聞考一百十五寺西南有普化和

尙塔基普化唐時人寺疑唐建康熙中僧雲聯重修有古佛舍

利塔翠屏峰飛帛澗涓涓泉徹公塔山前有下天成原屬寺中

菓園有斷碑載大遼天成福善寺贈舊業菓園之碑又有斷石

幢載叡孝天祐皇帝云云

國朝乾隆八年重修爲

行在外八景之一薊州沈志

少林寺在盤山

傳是晉魏間所建舊名法興寺有沙門圓玉碑記又法興寺提

點榮公塔銘沙門圓瑩撰盤山志至元中棲霞長春真人應召來

燕門下有棲雲子飛鳥擇地其徒張志格等搜及此山遂營卜

築丙戌春請長春真人建醮因題其額曰棲雲觀雲山集其徒拆

毀殿宇屏棄佛像寺內古佛舍利塔高二百尺及正殿三門一

并拆毀至乙卯後上方長老雲公忿其無禮奏告皇帝又共那

摩太師少林雲庭福裕禪師朝覲具陳其事至元辨偽錄仍為僧院

賜額北少林寺明成化己丑寶峰德聚禪師重修嘉靖丁亥又

修盤山志國朝康熙中僧本住再修乾隆十年又修寺西有華巖洞大松棚

東有紅龍池多寶佛塔下有石曰菱角曰帳房曰蟒再下有石

曰晾甲皆奇秀薊州沈志

慧因寺在盤山

古中盤寺在紫蓋蓮花毘盧三峰之間相傳寶積住靜處欽定盤山志

山志

國朝康熙十七年改正法禪院後康熙中大博禪師重為開拓乾

隆十四年奉

勅重修四十年

勅改今名寺內有天語軒五松堂殿旁揮塵花宮塔院精壽堂門

前有談禪石崖後有靜室名別是一天薊州沈志寺外四山相接疊

翠層巒中有數峰陡絕者勢插霄漢又其地多金沙雨過則星

燦奪目更有舍利塔每除夕光明徧山如列炬其中流泉瀑布

真定府志二十五

儼若大江之怒濤焉巨觀也

据蔡士英碑記

盤谷寺在盤山

寺即青溝禪院初本虎穴康熙十年僧智朴來盤山有僧隆寶來獻茲地乃始懇闢十七年

聖祖仁皇帝勅賜盤谷寺額屢次臨幸遂成名刹所謂人傑地靈者歟乾隆十年重修寺前有清涼石漱玉泉秩泉松均後有杏花陂龍首巖中有秋月堂巢雲軒選佛堂

薊州沈志

萬松寺在盤山

寺之西即李靖舞劍臺舊名李靖庵不知建於何時明萬厯四年普照禪師卓錫於此念四字佛皈依者眾明神宗御書清心二字徑尺許賜之今存寺中崇禎中普照法孫勝雲重修

國朝康熙中商邱宋華以前賢不宜直呼其名改為衛公庵四

三年

勅賜今名寺左有仙人橋右有橐陀石

薊州沈志

雙峰寺在盤山

舊名重巒禪院相傳為唐貞觀中尉遲敬德監造明萬厯三十年慈聖皇太后出內帑重修

國朝乾隆十九年重修

薊州沈志

青峰寺在盤山

舊名青峰庵明正德中僧德杲重修萬厯中僧常淨葺之

國朝康熙十年僧隆寶再葺

聖祖仁皇帝勅賜今名乾隆十九年重修

薊州沈志

法藏寺在盤山

舊名茶子庵明成化中修建

國朝康熙中僧養心又修殿左有古松盤山第一住僧實乎擬建東廂此松微有礙欲伐之夜夢一碩士風流儒雅揖而告曰吾住此山久矣師奈何促吾行僧覺其異遂不敢伐前有法船石

薊州沈志

雲罩寺在盤山

舊名降龍庵唐寶積禪師卓錫地寺為盤山至高處雲生滃然

出巖岫間觸石潤礎瀾漫林谷從下觀之不知寺之為雲雲之

為寺故名曰雲罩寺據沈荃雲東嶺有舍利塔中藏戒珠十六

顆佛牙一具遼太康中釋惠源明成化中釋本源嘉靖中釋圓

成萬厯中釋真開以次營葺並有碑記盤山志後慈聖皇太后命

尚膳監太監呂誠來修之有王道正撰碑記

國朝康熙中僧通緒重修乾隆八年奉

勅重修有刑部尚書張照撰記寺中塔舍利有光名曰佛燈

舊聞考一

百十六 僧智朴佛燈記異按宇內名勝往往有佛燈如五臺

九華峨眉普陀匡廬南嶽百花山人常言之即盤山之燈人亦

常見之丙辰春二月張灣居民洪應廣及二客僧夜話見燈現

於山西南樹杪壯如蓮花大如車輪燄色披敷下練光數丈搖

曳而西已未八月夜將半朴出戶甫啟簾見燈大如屋起澗中

紅光燄燄照衣襟作楮色召諸禪侶共瞻望王戌二月燈二現

于屋角東南大小各一人僅丈許若可攀攬久之而沒乙丑

六月二十五日晚課畢見燈現於正南方初如斗忽大如山如

煙如雲倏起倏墮遍山南面作雨後霞色其光中隱隱有大悲

菩薩千手相光外重光東射莫可名狀禪者瞻未會有戊辰四

月夜厲風不作王子千比部見紅光團團如車輪橫空而過要之

佛燈之異不止除夜時有之即厲風暴雨隆寒海暑之夕亦

常有之但人酣眠舊有黃龍祖師殿在山絕頂殿六角以象天

長夜苦不自覺耳圓地方每方各濶一丈通高二丈九尺層檐複拱皆以甄為之

建于正統十四年成化間鑄鐘一重二千斤覆以樓今殿久圯

鐘及樓俱無存北又有金山寺唐光啟二年七月建有石碣存

稱薊州大夫張公修造此寺又有國子監祭酒張峒題詩勒石

盤山志

上方寺在盤山

寺唐大和二年道宗大師結茅於此有遺行碑尚存

國朝乾隆十七年重修蕪州沈志

東竺庵在盤山松樹峪

舊名彌陀庵乾隆十年奉

勅重修二十七年又修蕪州沈志

雲淨寺在盤山

舊名淨業庵明萬厯中蔡來峰建崇禎中無暗律師重修盤山志

國朝康熙四十三年

勅賜今名乾隆十五年重修舊聞考一寺內有石幢刊本師惠凝

和尚大安八年九月朔門人棲洞等建疑庵亦遼金故址也蕪州

沈志

千相寺在盤山

原名佑唐寺建自唐開元間御製千相寺詩相傳有尊者挈杖

遠至求植足之所僧室東北隅巖下有澄泉恍惚之間見千僧

洗鉢瞬息而泯因茲構精舍據遼李仲宣祐唐寺講堂碑遼乾亨二年寺僧

希悟修之於溪谷澗石上刻千佛像有統和五年李仲宣撰碑

盤山志明正統間僧行明重修明善醫眼疾凡目翳瞳盲之人聞

風而至咸獲瘳後裔因習其術人謂盤山眼藥寺

國朝乾隆十年奉

勅重修後有搖動石又有洞曰契真慈山遇隱士處也蕪州沈志

瑞雲庵在盤山

庵不知何時建金大安中重修

國朝乾隆十年移建西有歸雲洞舊聞考一
百十六
報恩寺在千相寺東

寺不知創自何時明正統四年修治萬厯八年再修四十五年
尼宏存再修有米萬鍾撰碑盤山
志

白巖寺在盤山東盡處

寺建自唐貞觀中至遼時天顯十一年復建金大定中重修有
元僧恒志碑記又有慶壽提點裕公塔銘盤山
志明天順中香林

蘊空禪師退隱於此號曰白岩叟寺北有九華峰林壑佳麗岡

巒秀挺薊州
沈志

報國寺在盤山

元至元中圓悟禪師重修大德中又修後幾廢

國朝乾隆二十七年重修前有黑龍潭又前一里許有燕子石薊
州

沈志
香水寺在盤山西南二十里

唐建有金正隆六年頭陀大師靈塔實行碑康熙中僧德心重
修後有香泉故名舊聞考一
百十六

普濟寺在甘泉山

一名甘泉寺相傳昔為毒龍湫唐太和中
有曉方禪師結茅於此龍讓之徙山後迄今三潭為龍居也欽定
盤山志遼金及元屢

次修葺明初燬於火舊有唐郎肅靈塔記金釋圓照通和尚塔
記俱不存舊聞考一
百十七

國朝康熙中僧明德重修有禮部侍郎沈荃撰碑盤山
志

桃花寺在

行宮旁

乾隆九年奉

勅重修

衢州沈志

隆福寺在

行宮旁

唐初智嘉禪師持妙法蓮花經選勝至此穴巖以居夜半聞鐘聲心異之尋至山腹見廢寺故址也壁間有龍福院額遂結茅其地持誦弗輟階前伏蠶日聞經聲忽得解脫中夜化為女子禮師稱謝且言使左右五里永絕蠶毒以報其德己果有驗由是遠近信嚮寶施雲集此建寺所由也閱遼至金天慶正隆屢加修葺據呂卿雲碑記有金泰和三年呂卿雲重修碑記中曾論小國朝乾隆九年奉勅重修有刑部尚書汪由敦撰記舊聞考一百十七

香華庵在白澗

行宮旁

舊刹乾隆十五年奉

勅重修

舊聞考一百十四

平谷

臨泉寺在縣南東高邨

俗稱高邨寺遼建明嘉靖二十七年重修

平谷朱志

淨甯寺在縣南鹿角莊

俗稱鹿角寺金大定二十年建

平谷朱志

淨巖寺在縣北大新寨

遼天慶十年建明正德元年重修

平谷朱志

石佛寺在縣北東胡家務

元至正二年建

平谷朱志

慈福寺在縣東北山東店

俗稱山東寺正統九年御馬監太監劉□建基臺崇拓棟宇恢宏丹碧文珉各呈工巧勅賜名曰慈福有邑人金純撰碑正德四年營州屯衛官舍景祺邑人楊友重修

平谷朱志

覺雄寺在縣治西

遼重熙十六年建嘉靖八年重修

平谷朱志

香嵐寺在漁子山砦

俗稱波谷寺金明昌三年建嘉靖二十四年重修

平谷朱志

興善寺在縣東峨嵋營

唐咸通三年建明正統八年重修寺東北一里許靈泉出焉流

經寺中俗稱水峪寺

舊聞考一百四十二

白雲寺在縣北黑豆峪寨

金皇統四年建明宏治十二年重修俗稱繼廣寺

舊聞考一百四十二

龍泉寺在縣東盤龍山

寺在山下盤龍為東畿大山蜿蜒以西又十里為暗峪峰巒峭刻氣勢連霄峪間夾兩崖有泉如練自東北折每春夏雲英英騰上頃刻覆山谷其色正白若大海茫無際涯人因目曰龍泉泉之北巉崖壁立空翠撲人左右諸峰皆相顧拱揖黃精赤茯苓雜植其間境異山幽雖當烈火流金使人翛翛有挾纈意元至正四年僧人順公結庵于此處庵以泉名以誌山川之勝

據金純龍泉寺碑記

明成化六年營州中屯衛千戶景楨僧可懿修之正德五

年重修嘉靖二十七年僧大雲再修有金純撰碑又北厯店龍

泉寺亦元至正四年建嘉靖二十七年重修井兒峪龍泉寺元

至正十年建嘉靖二十年重修 平谷朱志

延祥觀在縣東北獨樂河莊

初名元寶觀至元間邱長春過此觀有枯柏捫之復榮有南塘

老人張天度為作詩玉谿老人趙鑄為作記 盤陰雜記 趙鑄元寶觀柏記 歲丁

亥京東諸神請長春真人醮于田盤山之栖雲觀過平谷飯于城東獨樂邨元寶觀中有柏枯瘁已久師歎曰可惜起而摩之

明年春其杪葉復生鬱茂如故見者奇之予一日托宿于州之通元觀道人李志平示予南塘老人譽長春子活死柏之詩所

謂非異人不能成異事非異書不能表異蹟也志平欲傳其傳乃書其事于石

華陽吳祖椿校

金皇赫四年... 白雲寺... 華陽吳祖椿校

地理志八

光緒順天府志二十六

冢墓

德清蔡賡年纂江陰繆荃孫覆輯

冢墓題篇權輿皇覽志聲塵審里埃誼兩存矣在順天境內者房山之金陵昌平之明陵祀典所關尤宜詳核爰蒐于邑乘旁及羣書以纂斯篇宜正者正之如狐奴山之墓當在順義不得勿唐之懷柔為今之懷柔宜補者補之如今之琉璃廠遼目前為燕下鄉唐御史王仲堪遼御史李內貞俱葬于斯据志銘以述其墓而人名地名兩可道也夫前明利瑪竇來自西國葬於都門履霜堅冰當防其漸以紀事變增述尤宜而呂義冢終焉志冢墓

大興縣

漢

燕靈王陵在縣竟 据金史蔡珪傳 鄺道元水經注灤水篇灤水又東逕燕王陵南陵有伏道西北出薊城中景

明中造浮圖建刹窮泉掘得此道王府所禁莫有尋者通城西北
大陵而是二墳墓趾磐固猶自高壯竟不知何王陵趙一清水經
注釋云魏書地辰陵當之非辰陵在燕西南此陵在陵後人遂因此
誤以燕刺王且辰陵當之非辰陵在燕西南此陵在陵後人遂因此
元所敘高梁河甚明金世宗紀大定九年二月詔改葬漢二燕王
于東城內嘗有盜發其墓大定九年詔改葬于城外俗傳六國時
在東城內嘗有盜發其墓大定九年詔改葬于城外俗傳六國時
燕王及太子丹之葬及啟其墓大定九年詔改葬于城外俗傳六國時
古柩字通用乃西漢高祖子劉建葬也其西蓋燕王劉嘉之葬
珪作兩燕王墓辨據葬制名物款刻甚詳觀此則知地志之非
道元疑而未定可謂有識者矣按水經注謂灤水東逕燕王陵
南西北出薊城中則其陵在薊之東界可知矣趙一清謂此陵在
薊縣今據書于此
渠門外八里莊古埠墓高四尺前有井燕都游覽志 徹見雜
墓在臨淄東二里漢書徹范陽人高
祖曰徹齊辨士故卒葬此未審孰是

晉

張華墓在縣東南六十里大清一統志 華見先賢傳 按畿
州薊縣有張華冢復引郡國志云有張華村臨桑乾河張華邨在

唐

固安縣東北張華方城人即今固安即古方城地今大興即古薊
縣地與方城俱屬廣陽郡距安肅均遠唐志或謂云云未詳所據

御史大夫劉惔墓在縣竟據金史 劉頰傳 按傳云南苑有唐舊
之曰苑中不宜有墓頰家本惔

在縣竟字延祚 中二年九月十八日葬于薊縣界之會川鄉鄧邨里中和
私第中和三年二月十一日葬于薊縣界之會川鄉鄧邨里中和

唐僖宗年號唐德宗建中二年析薊縣地為幽都縣今之宛平也
其云葬薊縣界當在今

大興縣竟餘詳金石

明

興濟伯楊善墓在縣東南一十五里大清一統志 善見雜人傳 巡撫都御

史朱之馮墓在廣渠門外大興張志 馮見先賢傳 之 兵部主事金鉉墓在

東直門外六里屯有墓碑大興張志 鉉見先賢傳 駙馬都尉鞏永固墓在

永定門外大興張志 鞏見先賢傳 御史陳純德墓在永定門外

舊聞考九十 薊邱雜鈔零陵陳純德以御史殉甲申之難楚人
瘞之湖廣會館側京山貧士秦嘉系訓蒙京師積館穀三十餘金
置地于永定門外葬之立石表其墓乾隆 穆侍御天顏墓在縣
四十一年 賜諡節愍墓今無考
東廣渠門內板廠 據採訪冊 按墓在黃岡義園地嘉慶辛酉邑
人官京師者重建墓碑題曰明御史黃岡穆公
天顏之墓黃州府志傳公諱天顏字象元萬厯戊戌進士性至孝
方少時父守文司鐸四川卒于官與兄扶櫬歸艱苦百狀塗人皆
為感泣其事蹟 詳明史列傳

國朝

江南布政使司參議分守蘇松常道方國棟墓在縣之方家莊 汪

琬撰墓誌銘 陳典墓在縣竟 據方苞撰墓誌 典見方技傳

義塚 附見 一設永定門內香廠 中城 一設永定門外地方

一設崇文門外文昌宮前 一設東便門外核桃園 一設東便

門外儲濟倉後 一設東直門外北後街 一設廣渠門外地方

一設金魚池西南地方 一設金臺書院前 一設右安門內

聖賢廟東均指揮管理 會典 事例

宛平縣

漢

燕刺王巨陵在縣竟西 據水經注灤水篇 按水經注釋 左馮

翊韓延壽墓在縣西三十六里覺山 一統志 延壽見先賢傳 景

山志稱韓家山漢循吏韓延壽家焉 罕音譌也 俗呼黑山 黑

罕又譌也 山黃壤一平岡耳 韓延壽墓在山之南 磚甃埠高以丈

非漢磚也 志云有故碑 剝落今碑復不存 按畿輔唐志山川門

韓家山在宛平縣西二十六里 引天府廣記 云山陰有漢左馮翊

韓延壽墓 韓世居于此 而于陵墓門 韓延壽 疑

墓在文安縣東南韓村 單文莫辨 歧異可疑

唐 哀忠墓在縣西十里 一統志 哀忠墓相傳唐太宗見隋煬帝征

塚因名 按 濮陽卞氏墓在西安門內 熙全唐文 日下舊聞康

墓久無考 治宅掘地 誤發古墓 中有瓦壺一瓦罍一墓石二方 廣各一尺二

寸一刻卞氏墓誌四字環列十二辰相皆獸首人身一刻誌銘而

書作誌銘題曰大唐故漢陽下氏墓誌銘文曰貞元十五年歲次己卯七月癸卯朔夫人寢疾卒于幽州薊縣北坊以其年權窆于幽州幽都東北五里禮賢鄉之平原日下舊聞又據此墓以為今之西安門去唐之幽州城東北五里而遙以唐之幽州憫忠寺在城東南隅為

遷神于薊縣燕夏鄉甘棠原墓今無考燕夏故太子洗馬博陵

崔府君墓在縣竟據成表徵撰墓誌內貞墓注故太子洗馬博陵

聖里十一月十六日窆于幽州幽都縣保大

曹參軍陳立行墓在縣竟字瞻顏皇唐甲子四周歲在丁丑夏四月

月甲戌沒于府城之肅慎里越月景申晦葬于幽都縣禮賢鄉之

宗儀鳳二年丁丑至是為寶建德墓在城西南二十里宛平王

舊唐書武德四年擒竇建德斬于市是建

德何以有墓在此縣志云云未知所據

遼耶律淳墓在西山據遼史本紀按史稱耶律淳者世號為北遼

博林牙耶律達什等引唐靈武故事議立淳即位百官上號天錫

皇帝改保大二年為福建元年尋病死百官僞諡曰孝章帝廟號

宣宗葬燕西香山永御史大夫李內貞墓在琉璃廠東

大昕記琉璃廠李公墓誌云乾隆庚寅三月琉璃廠窰戶掘土得

古墓棺槨不具而骨節異常人旁有一石其文則遼故銀青崇

祿大夫檢校司空行太子左衛率府兼御史大夫上柱國李公

墓誌銘也提督兩密廠工部郎中孟君濬募人改葬于故兆東二

十步別買石書李公官位表于道而誌石則仍瘞之按志云葬于

東京燕下鄉海王村今之琉璃廠在遼為城東燕下鄉正可互證

而海王村之名亦好事者

金所當知也餘詳金石

萬壽王家在阜成門外嘉禧寺西二里有碑舊聞考一百四

士劉伯熙墓在仰山之梨園頭據郝經劉隱士墓誌耶律楚材

墓在縣西北三十里甕山下東一統志楚材見先賢傳縣志墓

家藏集耶律丞相墓在甕山下前有祠今為僧舍三繚其長過膝

野獲編耶律楚材大有造于中國功德塞天地元世祖眷之亦異

他將相其壽域想必屬當時恩賜者今按元文類宋子貞撰耶律

公神道碑傳耶律公生于明昌元年六月二十日年五十五而卒

以中統二年葬于玉泉東甕山之陽從遺命也然則非恩賜矣又
耶律公事太祖太宗三十餘年太宗崩後皇后制公即以其年
卒是癸卯歲也閱十七年庚申始為世祖中統元年
命特加培護覆以屋三楹並立祠宇采訪
命特加培護覆以屋三楹並立祠宇采訪

御製題耶律楚材墓詩并序 墓在甕山好山園之東昔年營園
時以其逼近園門故培土為山其上以藏之間其為楚材之墓久
矣使閱時而湮滅無傳豈所以褒賢勸忠之道哉因命所司仍其
封域之制并為之建祠三間使有奠饋申酌之地並命汪由敦為
碑記而題之詩如左 曜質潛靈總幻觀所嘉忠赤一心殫無知

幸免稱冥漠有墓還同封比干窀穸即仍非改卜堂基未沒為重
完摛文表德輝貞石臣則千秋定不刊汪由敦元臣耶律楚材
臣耶律楚材墓一區歲久弗治漸就蕪沒會其地近別苑所司
將有所營建上特命覆以屋三楹俾勿壞而別苑所司
由敦記之臣謹按元史楚材事元太祖太宗歷三十餘年時方草
昧一切定賦稅分郡縣籍戶口別軍民皆其所經理嘗謂治弓尚

須用弓匠治天下安可不用天下匠遇所不便于民必力爭不少
屈至有厭其為百姓哭者幸賴其規畫法制粗立民得甯息故論
碑高塚已翳為荆藜幾莫有過而問焉者王士禎裂帛湖詩已有
誰吊湖邊耶律墳之慨而趙吉士寄園寄所寄并云遭掘于摸金
之手則此荒隴之僅存其不致蕩然磨滅盡也難矣乃一旦沐
壙蓋以簷宇較之貞珉綽楔而愈垂不朽斯豈楚材當日意計所
能及哉榮遇抑亦其功烈所存有不吝于也豈真預知身後必膺
上眷懷賢哲安望于世遠年湮之教忠勸功而益傳則舉也固為
勵直使百世咸知感奮尤大書特書以垂示無極者也臣得承
正王題和林新居壁詩有舊隱西山五畝宮而書諸石按耶律文
墨亦以玉泉為名今甕山遺墓或即其所居井椽未可定也 太

保劉秉忠墓在縣西蘆溝橋北其弟秉恕墓俱在邢臺縣嘉靖中
為盜李淮等所發曠時盡勒諸盜名官驗得之 特穆津墓在蘆
溝河之側舊聞考九十五元名臣事略傳墓在蘆溝河之側山
穆津生于此故葬于 平章政事李武愍墓在縣西永安山之陽
此云 按墓今無考

平章政事李武愍墓在縣西永安山之陽
此云 按墓今無考

一統志 元吳澄李世安墓志銘公名恆西夏賀蘭於彌部人也
至元二十一年薨于交趾子世安護喪歸葬大都路宛平縣永安
山之陽延祐七年夫人王氏薨合葬公墓 日下舊聞引張伯清
養蒙集稱葬京師之西永安山之陽其子益都淄萊等路管軍萬
戶世雄耐葬先塋 李魏公孟墓在縣西北香山石井村 一統志
考云墓今無考

歐陽楚公原功墓在縣西北香山石井村 一統志
考無

禮部尚書馬忠懿月合乃墓在縣清水河之陰 據馬祖常撰神道
碑 合乃世屬雍古部族居靜州之天山官至禮部尚書葬于大都宛
平縣清水河之陰之原太夫人王氏墓後梁郡夫人白氏耐後
平章政事廉文正公希憲墓在縣西 據元明善撰神道碑 碑
八年十九宿衛世祖王邸三十拜平章政事至元十七年十一月
薨于宛平縣之西原 正議大夫禮部尚書王倚墓在縣西三十
里盧師山下 劉因撰神道碑 倚見 榮祿大夫郝參政景文墓
在縣西三十里盧師山下 馬祖常撰墓誌 楊襄敏公教化墓在
縣西香山鄉之皇華原 虞集撰神道碑 碑云教化西夏人葬宛
平縣香山鄉之皇華原娶李夫人繼室王

夫人皆 平章政事李世安墓在縣竟 吳澄撰墓誌
耐焉 縣西三十里廝山邨 一統志 本見先賢傳 寰宇通志有元
翰林待制謝端撰墓誌 按墓今無考 宋本墓在

明 星吉墓在縣西北玉河鄉 省一統志 按墓今無考

景帝陵在縣西金山口 一統志 長安客話景帝陵在金山口距
凡諸王公主天殤者並葬金山口其地與景帝陵相屬諸妃亦多
葬此 舊聞考今封樹如故陵前恭勒 高宗御製詩碑亭
及墳塋數處原有司香太監六月禮部議奏西山有明代景泰陵
州例辨理從之 按宛平志并錄建文皇帝陵在黑龍潭金山口北
殆即楊士驄玉堂薈記所指天下大師之墓也 朱安度兩京求舊
錄曰金川門之變建文皇帝闔宮自焚實錄謂中使出其屍于京
越七日備禮葬之 遣官致祭而不言葬地所在或謂松楊王景請
葬以天子之禮成祖從之若葬以天子豈有不為置陵守冢掌之
祠官乎是則備禮云者特史臣欺世之辭耳至于北京金山口景
皇帝陵北相傳有天下大師之墓好事者實之以為建文帝墳然
訪之士人皆莫辨其處也 遜國之事野史紛紜以思所獲僧楊
應祥譌為楊應能或又以太監吳誠譌為吳亮且隱應祥之斃獄
而云老佛取入西內又言葬之西山不封不樹遂指不知何人之

墓以爲帝墳轉相紀述亡而爲有毋乃爲有識者所笑乎又考應
祥之獲在正統五年土官岑英執送總兵柳溥械至京師錮之錦
衣衛獄是年太監吳誠坐征麓川失利弗救法司論辟雖得宥死
未必卽給事宮中所傳老佛語誠伏地誦賜鵝肉誠拜而哭其事
亦不足信崇禎中輩都尉承固請以建文帝入祀典思陵日建文
無陵從何處祭于是言者謂當祛西山不封不樹之謠而考尋成
祖禮葬之蹟是亦癡人說夢矣今考度之言甚辨且建文蔚
無陵一語出自思陵卽是塙据自不必以無爲有矣謹闕文蔚

悼王墓在西山東麓功德寺西都穆南濠集
甯門外明史公主傳莊烈帝長平公主順治
阜成門北原西王士禎香祖筆記帶經堂集康熙四十二年三月

柱國食祿一千一百石修武伯沈清墓也清字永清滁州人洪武
有功累陞本衛世襲指揮同知洪熙中陞後軍都督府僉事賜麟
龍衣充參將鎮守大同尋命爲總兵官鎮居庸宣德中征樂安州
破兀良哈北狩洗馬嶺皆扈從都督同知總督官軍匠作修造
京師城垣濠塹橋道正統中陞左都督較諭提督營建奉天華蓋
謹身殿乾清坤甯二宮正統辛酉告成特陞今爵錫諾券子孫
世襲以八年夏四月戊戌薨年六十七葬阜成門北原子榮孫煜
留守中衛指揮王瀛撰文卞聚書龔善同篆子

李東陽墓在縣
考兪州仁宣以後功臣伯表無清名故具錄之

西畏吾邨李東陽考九十八東陽見人物傳法式善明大學士
者也嘗考公軼事哀集爲記復欲尋公墓所屬同年宛平令章君
訪于畏吾邨不可得又屬後任武進胡君及大興令郭君訪
之一日二君過余言適因事過畏吾邨且余親訪焉老僧已絕不知
大慧寺老僧云識一古墓相傳前明顯官今其子孫已絕往矣
良然不翁者年八十六居吾邨且六世叩以文正墓亦弗能知
之遇石翁相質迺同詣寺西北土阜一冢巋然旁有二冢且夷矣
因舉言相質迺同詣寺西北土阜一冢巋然旁有二冢且夷矣
文正墓無疑也案文正集復見吾邨舊坐及合葬視之慨然曰此爲
正會祖文正父祥洪武初以成籍隸燕山右護衛其祖某告之
來稍長代父役靖難兵起舟子弗見陰德遇異人爲擇吉地瘞祖
以養文正父名涪微時爲舟子有陰德遇異人爲擇吉地瘞祖
骨卽畏吾邨塋是也文正父改葬焉是畏吾邨不吉仍口畏吾邨
兆墳適有五非李氏墓而誰耶劉世節瓦墓文正子畏吾邨文正
茲墳適有五非李氏墓而誰耶劉世節瓦墓文正子畏吾邨文正
兆墳適有五非李氏墓而誰耶劉世節瓦墓文正子畏吾邨文正
世先卒公竟無嗣然則其子孫久絕而碑碣無徵堯山堂外紀謂
亦傷哉然以文正風流所被猶能使之夷人爲田厝碑易食不
老衲卒得其實不致終淪于蓬藿豈非默之皇履勤謠于野人
寺西距寺三十步墓之西爲畏吾邨口一里許小徑北通石道自
塔菴在焉南則長河由枯柳樹迤邐南行卽望見極樂寺後有欲

展公之墓者視吾文庶幾有考焉修祠墓記畧西涯先生墓明

萬麻時已不可辨識有農人取土于冢露其棺之前和大學士方

公從哲為重封之進士王文遇補植墓木而不知畏吾邨中有所謂

遂為民產東阡西陌麻麥相望訖于今更不知其邨中有所謂

西涯墓者余據諸家紀述數履其地訪之故老乃得其所計地二

十一畝主之者為口祥菴僧贖之而未果宛平令武進胡君遜聞

之慨然捐百金贖之墓先有五冢今則封之如其舊識

夷其二且數十年矣胡君既贖墓田則封之如其舊識

侍郎李震墓在縣西玉河鄉商初別號省菴成化乙未某月日卒

距生永樂甲午某月日壽六十有二以卒之年月日葬玉河鄉之

原附先塋也先世山西臨汾人元季曾伯祖希賢遊宦于燕因家

宛平娶蔡氏劉氏英國公張輔墓子懋增葬在蘆溝橋南長新

店宛平王志一統定國徐公墓在縣西鑼鍋嶺宛平王志方內

閣從哲墓在縣西南豐臺宛平王志按汪堯峯撰方國棟墓志

也葬米太僕萬鍾墓在海淀宛平王志王方伯愛墓在縣西真覺寺

後宛平王志劉少保餘祐墓在縣西畏吾邨宛平王志張少宗伯邦紀

墓在諸葛邨宛平王志惠安伯張元善墓在縣西北香山南宛平王志

剛炳墓在西便門外下莊宛平王志帝京景物略罕山志僊韓

剛鐵墓也墓無石表無翁仲惟石墩六僧云長陵賜鐵坐凡六故六墩也女僧呂氏坐

香山黃邨顯應寺左坐前有嘉靖四年敕賜碑碑後並刻有像舊

考九十七呂利瑪竇墓在阜成門外馬家溝舊聞考九十六

氏見釋道傳利瑪竇墓在阜成門外馬家溝舊聞考九十六

禮嘉其命馮宗伯琦印所學惟嚴事天主謹事國法勤事器算耳

視嘉歎命馮宗伯琦印所學惟嚴事天主謹事國法勤事器算耳

利瑪竇既入中國襲衣冠譯語言躬揖拜皆習越庚戌利瑪竇卒

詔以陪臣禮葬阜成門外二里嘉興館之右其坎封也異中國封

後垣不瑀篆而旋文其脊紋若螭之岐其尾肩紋若螭之外其鬚

大理卿高裔墓在縣竟

據方苞高公墓碣裔見先賢傳

王進士兆符墓在縣

國朝

品與時併流

竟 據方苞王生墓誌銘 禮部尚書王文貞崇簡墓在縣西畏吾

邨 宛平王志 崇簡見先賢傳 保和殿大學士王文靖熙墓在畏吾邨

見先賢傳 貴州巡撫王燕墓在縣之骨香山社 張玉書貴州

志銘 左都御史李綬墓在縣之黃莊 紀昀撰墓誌銘 巡撫王公墓

杏浦又號竹溪然學者惟稱杏浦先 孟忠毅公喬芳暨孫大理

生也先世自山東遷宛平葬于黃莊 墓誌銘 御史熊飛之子諱繼祖

寺評事繼祖墓俱在縣西 喬芳之孫監察御史熊飛之子諱繼祖

字聿修號芥舟生于順治己未六月二十七日卒于康熙丙寅

月初八日年僅三十有二妻馬氏子一以恂方八歲以明年丁卯

忠毅公之墓側 前刑部右侍郎黃叔琳墓在縣竟 陳兆崙撰墓

見先賢傳 湖廣長陽縣知縣朱登俊墓在西山二老莊鎮岡塔前

賢傳 陝西藍屋縣知縣朱文炳墓在西山二老莊 采訪冊 文炳

之父見 山東長清縣知縣朱垣墓在二老莊 采訪冊 見先賢傳 江

先賢傳 西靖安縣知縣朱堂墓在西山呂邨之南 采訪冊 見先賢傳 翰林院編

修朱筠墓在縣之二老莊 王昶編修朱君墓表 大學士朱珪墓

在西山呂邨二老莊 阮元朱文正公神道 珪見先賢傳

仁宗御製望朱珪墓詩 有故大學士朱石君墳園在西山呂邨距

蹕路十餘里命侍郎英和往奠誌以詩感 碩彥嗟頽壤臨風歎

奈何經邦言總正論道益誠多伏冀心隨往躬行禮實過 故大學

君於去歲臘月初五日溘逝旋於二十五日葬於西山呂邨 朕細

懷舊學於一切飾終之典務從優卹亦由伊平日持躬宅性足以

稱此哀榮里茲以展謁 西陵道出黃新莊聞其墳園距蹕途

不過十餘里朕本欲一往賜醢因詢之軍機大臣等奏稱臣下墳

塋從無親臨賜奠者惟英東揚古利額亦都三墓於駕詣盛京

得蒙親酌蓋三人皆開國元勳故 禮過重逝者不能當此轉非

寵此外未之前聞且恐以尊臨卑於禮一觴用抒眷念朕雖未

體卹既往之意爰命侍郎英和前往代醢 重逝者不能當此轉非

得親行而倦倦不置之心不啻借 雲烟結神想西嶺望嗟哦

使命而往矣抽毫紀事良用憮然 宣宗御製奉

命祭奠朱石君師傅輓詩二律

招搖東次大星垂元老西歸竟有期一世操持忠與信

兩朝輔弼相兼師趨班

詔許扶鳩入

臨奠親煩步輦移禮重易名邀

特錫湯劉鼎立信無疑

暑歲追隨講席前朝朝涵泳聚三天時云就學詩書首每論成身

孝悌先宿德早將師道立終年不以世塵牽清醕三灑悲何極

命過來片刻還太僕寺少卿朱錫經墓在西山呂邨錫經錫之

子見先賢傳山西直隸州知州朱錫庚墓在西山二老莊錫庚錫之

子山東布政使司布政使朱錫爵墓在西山二老莊錫爵錫之

子江安督糧道朱涂墓在西山呂邨涂錫之孫山東補用知

府朱英墓在西山二老莊英錫之孫翰林院庶吉士刑部主

事朱瀛墓在西山二老莊瀛錫之孫江蘇常州府知府朱澄

墓在西山二老莊澗水之西澄錫之孫廣西永福縣知縣安

徽定遠殉難朱為霖衣冠墓在呂邨霖錫之孫廣東儋州知

州朱庭桂墓在西山呂邨庭桂錫之孫內閣學士翁方綱墓在

朝陽門外綱錫之孫刑部郎中翁樹培墓在朝陽門

外樹培錫之孫金處士茗墓在西便門外三里河

茗程瑤田撰墓誌瑤田錫之孫乾隆四十九年閏三月初十日大興金

縣程瑤田為書石以誌之茗字價山父克誠江西南瑞金縣知縣丁

母憂歸居京師有年于未冠也與其諸兄同受業于吾友歸安

丁小雅居京師有年于未冠也與其諸兄同受業于吾友歸安

也是年十月余歸明年小雅成進士亦南歸余歸五年又病也

春官復至京師其叔紹綸訪余于蓮華寺未嘗言病且垂死欲一

見余死且日味爽有皇往視之則奄奄在牀言不能成聲又悲

日死矣年僅二十四歲嗚呼槓山之奄奄而不忘余不能為之悲

乎其昆弟同處怡怡如也好書購之得三千餘卷父母能得其

歡心昆弟同處怡怡如也好書購之得三千餘卷父母能得其

庫全書館有校讐善本則務求必得之手自鈔錄輒廢寢食不自
卹其體之羸弱也遇漢唐舊碑帖及名人墨蹟尤所珍愛心摹手
追未嘗厭倦嗚呼橫山而竟死矣余又安能以不悲乎遂繫之以
銘銘曰橫山于天殊不負天子橫山何不厚嗚呼使劣者天而佳
者壽則何悲憤不平之有

義塚北城附見 一設西城廣甯門內老君地南 一設老君地東

一設廣甯門內報國寺後 一設潘家地內 一設阜成門內三

塔寺 一設宣武門外黑窑廠 一設西城地方白馬寺坑均指

揮管理會典事例

良鄉縣

周

樂毅墓在縣南三里一統志地大數畝高丈餘題曰望諸君墓舊聞

百三十三按日下舊聞引皇甫鑒城家記稱燕廣城君厲鶚遼

史拾遺引同今從大清一統志胡祭酒儼集云望諸君墓在縣

治南三里近盧溝堤決役夫與墓碑築隄恐後無徵矣按魏書

盧道將傳道將為燕郡太守下車表樂毅霍原之墓而為之立祠

又柳宗元弔樂毅文有序云許縱自燕來日燕之南有墓焉其志

謂毅卒于趙墓當在邯鄲不知凡有功于人證惟邯鄲又有毅墓或

者人人欲得而祀之其孰真孰偽可不辨也

隋

楊君讓墓在陽鄉舊店日下舊聞引名勝志並云有古碑今無考

唐

雲麾將軍李秀墓在縣竟据李邕撰碑按碑云葬范陽福祿鄉

水注焉福祿水當今無考水經注聖水篇聖水又東福祿

由福祿鄉得名

後周

竇禹鈞墓在縣西北十五里豆家莊良鄉志按日下舊聞涿

今良鄉志又云在豆家莊未詳孰是舊聞考云按州志團柳邨北

有河形舊名康河北岸上有荒邱微有甃形土人呼為十郎塚考

墓前石碣為明正統時太監竇吉祥墓惟碣文內稱吉祥為宋學

士儀九世孫葬于康河之陽祖瑩之次云竊思涿州有良鄉舊

城在州北四十里今縣治西至涿州七十里或此墓本屬良鄉舊

治縣既移徙故其墓遂兩見也且吉祥既勿儀為遠祖則所謂祖

塋者又恐以亡為有耳若指祖塋為儀墓則儀官于宋其時涿州等處皆入于遼宋與遼尚未和好未必儀之柩安然葬于涿州總之兩墓均未得塋證也

金

韓夔墓墓北韓懿祔葬墓在縣南二十五里高舍邨良鄉楊志

元

梁都運斗南墓在縣南三十里立教邨良鄉舊志南見先賢傳斗 徽政副

使張九思墓在縣竟南虞道園撰神道碑九思見先賢傳

明

楊侍御墓在縣南舊西北良鄉楊志李太保如柏墓在縣治西北崇

各莊良鄉楊志李懷中墓在縣治西北崇各莊良鄉楊志張鑽墓在縣

南魯邨良鄉楊志江南道監察御史張思聰墓在縣南魯邨良鄉楊志

誥封懷遠將軍唐斯盛墓在縣治東良鄉楊志楊太守九春墓在縣

南舊店良鄉楊志少師吳中墓在城北怪宅邨東畿輔唐志

固安縣

周

孫贖墓在方城邨東南一里固安陳志按房山縣亦有孫贖墓

山者為唐將軍孫士林非贖也

金

張君墓在押敵邨西北一里有碑固安陳志按墓前有石刻云

昌二年立石墓前石獸猶存

元

宋侯墓在駝頭邨西南半里有碑固安陳志按墓前有石刻元

判官宋侯墓翰林學士承旨宣使張士遠墓在縣之唐陽邨固安

歐陽元書至正十四年立石

明

鄉賢張素墓在張士遠墓旁固安陳志 贈太常卿前掌河南道御史

傅好禮墓在縣東知子營一統志 王騏墓在縣西一里子復墓附

唐志云在豐樂門西一里許 都御史淡成墓在豐樂門西一里許固安陳志 都

御史蘇志皋墓在豐樂門西一里固安陳志 侍郎劉永墓在豐樂門

東北半里許固安陳志 鄉賢楊和墓在孫郭邨東南固安陳志 都御史

張介穆允濟墓在縣北固安陳志 都御史特贈兵部侍郎郭光復墓

在清河西半里許固安陳志 太僕寺卿狀元楊維聰墓在孫光邨固安

陳志 翰林院侍讀榜眼楊維傑墓在孫郭邨固安陳志 副使馮繼芳

墓在梁家莊固安陳志 杭州司馬李天祥墓在南房邨東北固安陳志

茂州知州祖志伊墓在東嶽廟後堤內固安陳志 內黃教諭李時康

墓在東關李家場固安陳志

國朝

上江巡按劉宗韓墓在南房邨固安陳志 江西道監察御史卜峻超

墓在白邨固安陳志 贈光祿大夫都統于安國墓在城南三十里南

房邨固安陳志 志云係于清端公之本生父清端公為國朝

也者 名臣祀賢良祠名宦祠通志列傳云永甯人蓋出嗣永甯籍

永清縣

元

史氏先塋在縣西南二十里大焦堡邨有史氏慶源碑記崔鉉撰

永清周志 按乾隆四十二年知縣周 史尙書秉直墓在大焦

震榮命工從土阜中搜出植立墓傍 堡邨有神道碑劉祁撰永清周志 秉

直見先賢傳 史元帥進道墓在大焦

堡邨有神道碑段紹先撰永清周志 進 史丞相天澤墓在大

焦堡邨永清周志 按大清一統志及畿輔唐志焦堡均 平

章史格墓 按周志未載格墓惟元姚燧撰神道碑云葬太保莊太
烈茲碑石獸衛之與潔河流相承無期潔河即桑乾河
既有碑可据因標目于天澤墓之次 格見先賢傳

明 錦衣僉事張麒墓在縣竟 永清周志方從哲撰墓誌云錦衣衛

丙戌其仲子坤等始持狀來乞銘按狀公姓張氏諱麒字國祥魯

山其別號也世承清人父朴菴公故業儒封明遠將軍公弱冠以

緹騎入東廠主章奏籍有能聲累功授百戶特擢理刑蓋異典也

尋進千戶掌廠刑已而陟今職管事南鎮撫司性剛毅不能附權

勢時緹帥方貴幸無敢觸其鋒公獨不相下竟以此賈禍奪任家

居矣亡何裕府事作波及甚眾公以前忤緹帥與韋經等同日被

逮配之瘴鄉抵戍所不逾月而沒先帝改元緹帥已沒坤與兄乾

欲其疏辯理為當事所格不行又二載前帥以追論奪官而公之

事始少白今年三月坤等各鬻產治喪與弟性訥間關萬里始負

公骸骨歸卜明年念六日啟麟子惟誠惟謹公于男五女一孫男

六女孫十三史從哲曰公忠貞剛介致身報國而獨不獲死所雖

公議已明而極冤未釋何以勸天下後世之為人臣者因爲之銘

銘曰天道無親常與善人胡公之德厚而不能保厥身嗚呼身雖

屈矣志則常伸箕裘奕奕麟鳳詵詵是與公者不于其 庠生

躬于其後人松柏既茂邱壠方新我銘爾墓永垂千春

鞏鴻謨墓在縣東南信安鎮有李時苑撰墓碑 永清周志 錦衣同知

馬景墓在縣南門外有嘉靖二十一年遣大學士嚴嵩諭祭碑 永清周志

周志按明史后妃傳世宗諸妃無馬氏者此妃 劉鍊墓在縣

父之喪至使大學士諭祭典禮亦可謂隆重者矣

西瓦屋辛莊有墓表一 永清周志

國朝 劉雲生墓在縣西瓦屋辛莊有墓碑康熙九年立 永清周志

東安縣 晉 劉琨墓在縣東二十里樓桑邨 一統志舊邨今考云墓在古縣東

北桑園按古縣即漢安次廢縣在縣西北樓桑邨見先賢傳

昭弔劉太守墓從弟末栝受勒厚賂乃沮其計而退琨討石勒屯

兵固安及匹磾從弟末栝受勒厚賂乃沮其計而退琨討石勒屯

征北小城為匹磾從弟末栝受勒厚賂乃沮其計而退琨討石勒屯

現書悅據殺殺之現自領年碑城幽四遂征北史收府數志載琨墓安次縣東二十里之樓桑邨

訪之故老杳不知為樓桑邨者惟征北小城通志云在大興縣東
晉時實安次地其跡久湮夫自晉以來千數百年于此矣加以遼
致令忠魂白骨埋沒于黃沙野草間悲夫

遼

中丞韓澤墓在縣西北五十里更生邨一統志按遼史拾遺据
縣志傳乾統八年葬墓旁

而埋之今無考 遼西郡王楊哲墓在舊州西南二里東安李
按舊州即元

之東安州在縣西北四十里李光昭云乙丑之秋余在舊州與王
孝廉培元問詢東安軼事孝廉謂楊遼西墓在茲邨西南即舊州

也今邨西關帝殿柱下石碇人皆知從楊郡王工移來
二十年移石之老人尚在必知其處今則不可考矣

元

張宏綱墓在縣竟据元吳澄撰墓表

明

太常卿齊章墓在縣二里東儲邨有宏治八年賜諭祭碑東安李
兵部尚書劉體乾墓在縣北門外一里許諭祭碑存東安李贈光

祿寺卿胡甫榮胡忠墓在縣西馬圈邨諭祭碑存東安李刑部尚

書施禮墓子禮部尚書純祔葬墓在縣南十五里益留邨東安李

李侃墓在縣北五十里鳳河之陽一統志明張瑄李公墓誌公

南新野徙湖廣荆門後宦游東安遂家焉會祖士瞻祖繼本父東

公生永樂丁亥九月九日卒于東安化已巳九月二日未時享年

七十有九配張氏瑄之姊年七十五卒于東安葬于縣之張家莊鳳河之陽

卯之冬余命工於縣之張家莊鳳河之陽李光昭封墓記云丁

日國貴借張家莊老民徐文進士備言李都院墓在邨東半里許

人爲鑲白旗石姓圈地今則爲隄上營張文宣所租邨中丞墓不數

屋傾圮已久豐碑墓誌亦無復存惟邨東關帝廟前石獅傳聞爲

都院墓問物也余聞之喜不自勝日親往查勘墓前石獅傳聞爲

東北二尺耕犁幾及壟矣細尋基址西約二丈南約二丈高斷

及殘碑猶有存者余猶恐其未確也徧詢于鄰二丈南約二丈高斷

營諸邨則凡高年垂白之人無不知其爲李察院墓也且僉云故

老相傳康熙初年李氏後裔有官于西夏者來訪墓也且僉云故

係新園恐有干碍均不敢以實告其人慟哭而去此後遂無問津

者余遂委衙官姚尉封殖其墓達基之東北三面環植榆柳以

杜侵佔且立石于墳之永久云

布政使紀諳墓在縣東南六里紀

獅于石之兩旁垂之永久云

順天府志二十六

于邑口頭社
先塋之次

國朝

山東巡撫袁懋功墓在縣之大王莊香河劉志懋功見先賢傳

通州

周

羨門子墓松漠紀聞

漢

畫眉冢在舊灤縣南五里日下舊聞據冢墓記相傳張京兆葬此今無考

唐

彭浣墓在州東古城北據王諫撰墓誌志云彭浣字巨源建中字長源迎神葬于古漁陽城北采貴里之原曾祖順祖杲父棲梧其世系及生卒年月均載而未載其郡貫意在闕文中也詳金石

李丕墓在州城東南據柳峴撰墓誌志云唐貞元三祀五月故長豐宰李君丕卒于幽州潞縣春

秋六十有三無嗣獨女適河東柳氏名峴盡半子之禮節
粵三年建子月葬于縣之南三里潞水之右詳金石

金

張遵哲墓在州東潞邑鄉通州高志 遼金故塚在故灤縣西南二十

五里得仁務通州高志 燕山叢錄灤縣得仁務有三大冢相望燭八者行里許有資資貯油一燈熒熒然人問什物俱備試擲以礫卽有矢外射其人懼而出蓋遼金諸貴人家焉

元

郭汝梅墓主州東城外東北隅通州高志 脫脫丞相墓在

故灤縣西南八里魯邨之南通州高志 李忠靖廷墓在舊城南關南

臺坡通州高志 志又云天啟初水潦岸崩墓石盡露乃藝文監

潞陽郡公墓誌略天歷元年春二月八日淮東宣慰使李公薨贈

通奉大其江西等處行中書省參知政事護軍追封潞陽郡公諡

忠靖元統二年冬十一月二十日其配潞陽夫人柴氏薨十

有二月六日合葬潞縣之南臺坡先坐嗣子世安請銘公諱廷字

瑞卿其先漳南 金元王子墳在州新城西門內西倉之北門內

人今家京師

可受卓吾老子墓略按卓吾老子者其鄉里世族并官蹟生理皆老于所傲屣棄之人第知其為卓吾老子云老于著述有焚書藏言說書之屬行于世余性不善涉獵亦莫得而詳焉惟是相見因緣始傳述之歲已丑余初見卓吾老子于龍湖丙子歲幸子劉子司馬之約至上黨余亦以校士至約相見于上黨之精舍辛丑別業時紫和老人在戒壇余欲為二老作小西天主人傍觀宗門下事而忽有河上之役行矣行而念老子不置復過辭于侍御知之別業老子愴然曰願以紙筆來為公書証道歌一幅異日見書如見我也余亦愴然曰願以紙筆來為公書証道歌一幅異日見書湖老子曰吾百年之計在盤山矣別後老子被逮至禁衛蒙主恩御不詳姓盛德不捨老子于患難中使生有養而老有葬也張欽碑甚有盛德不捨老子于患難中使生有養而老有葬也張欽墓在州南黃泥溝分省人物考欽先賢傳按州志載有李諭祭碑雍正元年知州黃成章以諭祭碑所存半石重立墓前當即此墓焦亮墓在州城東竟高州志神道碑高州志侍御馬經綸墓在州竟白河北溝渠莊高州志都司聶敏墓在故灤縣東南十八里大樹樹南大道東高州志

政司左參議劉體乾撰墓誌今無考

葉節婦墓在州曬米廠有碑高州志婦見列女傳

林烈婦墓在城西有御史馬經綸撰墓碑高州志王指揮雲墓

在州南門外高州志張參議聰墓在州南故灤縣西南二十五里

墓在州南故灤縣城南五里田邨高州志劉司訓庭訓墓在州城

西娘娘廟東高州志張孝子士壽墓在州張灣高州志劉司訓庭訓墓在州城

大學士魏藻德墓在州新城南門外一里道旁高州志德見鑒誠傳

國朝

柳國棟墓在州城南飲羊河高州志吏部侍郎楊正中墓在州舊城南門

陰父諱澄字仙宇君以仙宇公故俛見趨吏曹冀得甘旨久之授

江甯府句容縣丞視事凡六年歲癸巳歸奉仙宇公卜居潞河君

生于萬曆癸巳卒于國朝康熙丁巳得年六十有萬以戊午九月已酉葬城南地日飲羊河

甄墓在州張灣城西高州志禮部侍郎楊正中墓在州舊城南門

外營房通州高志 王孝廉公擢墓在州北門外溝渠莊通州高志 又云墓有

古柏六株高可四五丈闊 吏部郎中李含春墓在州新城西門

外娘廟南通州高志 謝尊光墓在州南八里東小馬家莊西有碑

州新城南門外葱市口東畔路北有碑通州高志 五老墓在

人性廣墓也有一碑一碑正書五老墓三字前知州程俊立碑

陰為江南揚州府同知古越秦尚忠撰文一碑為兵部督捕主事

州人康莊撰文後列州人韓懋德等四十七人名俱康熙三十一年

事商諸州人王申之申之以南門外葱市口東香火地左隙地一

邱計二畝九分捨為公塚并議定嗣後無論土著僑寓之人有無

子榮獨者俱得卜葬于此迨孫張王三人相繼沒復有朱達文僧

閑先江南泰州人妻牛氏山西武鄉人張鵬字雲博江南來安人

妻曹氏同邑人王介宏字奉池直隸清豐人鵬字雲博江南來安人

朱達文字元韜江南休甯人妻王氏福建人鵬字雲博江南來安人

杭人僧性廣號無住俗姓李順天宛平人鵬字雲博江南來安人

州城東北草寺莊通州高志 姚侍郎元之墓在

傳矣奇 李壯烈載文墓在州北高安屯邨迤西小墳莊通州高志 載文見先賢

三河縣

遼 傳矣奇 李壯烈載文墓在州北高安屯邨迤西小墳莊通州高志 載文見先賢

章宗陵在縣北五十五里歷代山陵考 按舊志云前有兩小山

其一代諸帝亦無葬三河者今編訪竟內無址可

考但舊志相沿未便薙芟姑識之以俟博洽者

中都轉運使劉樞墓在縣西五十里三河陳志 長興公主墓

在縣北五十里三河陳志 韓英墓在縣北六十里三河陳志

韓延壽墓在縣北七十里陳三河志 宣武將軍冉企雍墓在縣北五

十里陳三河志 招撫使趙景先墓在縣北五十里陳三河志 楊延平墓

在縣北五里陳三河志

元

祁侍郎墓在縣東二里三河陳志 志又云遺名

明

御史蕭選墓在縣西十里陳三河志 御史劉金墓在縣西十里陳三河志 御史邢昭墓在縣東陳三河志 太僕王楠墓在縣西陳三河志 布政

王揚墓在縣西陳三河志 郎中喬伊墓在縣西三里陳三河志 御史馮

三元墓在縣西南三河陳志 志又云三元 主事張文運墓在

縣北六十里陳三河志 按察使盧友竹墓在縣南三里陳三河志 副總

兵趙景墓在縣南陳三河志 三屯營總兵朱國彥墓在縣西三里陳三河志

陳志 總兵王業隆墓在縣西陳三河志

國朝

知縣胡應徵墓在縣南五里陳三河志 同知胡繼芳墓在縣南五里

里陳三河志 知縣劉瑞遠墓在縣西陳三河志 知縣朱國俊墓在縣西三

里陳三河志 查贈公曰乾墓在縣之百草溝三河陳志 志又云卽

之孫陳志 曰乾 查孝廉為仁墓在縣之石渠三河陳志 志又云卽

見先賢傳 查通判為義墓在縣竟留水渠據紀昀撰墓誌銘 魏贈公雲蘭

墓在縣西南十五里陳三河志 伊宜人墓在縣南三十里余各莊三河

陳志 按志未詳其夫姓名殆失考也按蔡中郎集有漢交阯都

尉胡夫人黃氏神誥言夫人留葬洛陽不歸附夫墓也此伊宜人

武清縣

唐

鄭高士忠墓在縣東柏邨東北二里有唐永泰二年胡詹撰墓碑
武清蔡志 按墓久無考光緒七年知縣蔡壽臻訪得墓碣因封識之 忠見官吏傳

左僉都御史趙之符墓在縣竟北倉
武清吳志 符見先賢傳 李可楨墓

在縣竟邱家莊
桐城張英撰墓誌 可楨見先賢傳 吏部郎中趙珣墓在縣北倉

鄉大河溝
武清吳志 符子見先賢傳

寶坻縣

唐

羅將軍墓在縣北三十里羅莊邨
一統志 羅將軍墓在縣北三十里羅莊邨 羅將軍墓在縣北三十里羅莊邨 羅將軍墓在縣北三十里羅莊邨

元

中書行省左丞劉深之墓在縣西八里
寶坻洪志 志又云 石獸碑碣尚有存者

明

都指揮僉事蔡完者不化墓在縣南劉谷莊
寶坻洪志 按縣志 完者不化墓在縣南劉谷莊 完者不化墓在縣南劉谷莊

參政朱德墓在縣西南十八里
寶坻洪志 參政朱德墓在縣西南十八里 參政朱德墓在縣西南十八里

墓在縣東北一里有諭祭碑文二道
寶坻洪志 墓在縣東北一里有諭祭碑文二道 墓在縣東北一里有諭祭碑文二道

王好善墓在縣竟
寶坻洪志 王好善墓在縣竟 王好善墓在縣竟

承恩公吳祿墓在縣西南二
寶坻洪志 承恩公吳祿墓在縣西南二 承恩公吳祿墓在縣西南二

甯河縣

王鼎呂墓在縣南石橋
據姜宸英撰墓表 鼎呂見先賢傳

五代

梁王墓在縣南蘆臺莊甯河丁志 按梁王不知誰人今無考

宋

楊七郎墓在縣西潘莊甯河丁志 廟尚存疑即延昭弟也 潘美墓在縣西

潘莊甯河丁志 志又云宋史潘美大名八十一座九行並列土人相傳為潘美墓云

明

分守甯夏等處地方遊擊將軍都指揮楊從新墓在邑東門外一

里許甯河丁志 兵部都司署都指揮僉事楊桂芳墓在邑東門外一

里許甯河丁志 國朝

諾贈保和殿大學士杜仁墓在邑東南一里甯河丁志 立德之曾祖 仁

諾贈保和殿大學士杜朝先墓在邑東南一里甯河丁志 先立德之祖 朝

諾贈保和殿大學士杜守禮墓在邑東南一里甯河丁志 撰墓誌云公諱守禮

字致中世居寶坻之梁城所其先為金陵世族始祖諱敬以昭守禮

校尉扈從明成祖文皇帝封燕邸有功遂以世爵居梁城所敬生

寬寬生二奈生銘生仁世有命德為燕望族仁生朝先是為公

以彈厥施然立身飭行以古自命鄉里化之每入都輒于市肆搜

古今逸書手自校閱老而不輟敦尚故舊與人交始終弗渝周人

之急拯人之難有古指困風公生于萬曆辛巳年十二月二

十八日卒于順治甲午年四月二十七日享年七十有四 光

祿大夫保和殿大學士杜文端立德墓在邑東南一里有諭祭碑

文甯河丁志 立德見先賢傳 立 廬州府知府杜立本墓在河東捷道沽甯河丁志

弟見先賢傳 江西廣信府知府杜恭俊墓在縣竟東南甯河丁志 恭

見先賢傳 河南陝州知州杜通文墓在縣南十里孟家莊甯河丁志

立本甯河丁志 劉毓珍墓在縣西南四十二里蘆家務甯河丁志 毓

諾贈安徽壽春鎮總兵王秀生墓在縣南

誥贈安徽壽春鎮總兵王斌墓在董家莊

甯河丁志斌錫朋祖

誥贈安徽壽春鎮總兵王者佐墓在縣南董家莊

甯河丁志者佐錫朋父

照提督例賜卹安徽壽春鎮總兵王剛節錫朋墓在縣南董家莊

有福建陳慶鏞撰神道碑

采訪冊二十一年秋八月戊戌安徽壽春鎮總兵王公帥師討英吉利于定海死之

錫朋見先賢傳碑云道光

治其喪照提督例賜卹御碑賜諡剛節建祠定海甯河兩縣撫

明年四月公諱錫朋字樵河順天甯河縣人莊之原其孤持狀乞

銘按狀公諱錫朋字樵河順天甯河縣人莊之原其孤持狀乞

月十五日公諱錫朋字樵河順天甯河縣人莊之原其孤持狀乞

銘齒我天戈簞濤鯤戶皇赫斯怒爰整避步剪此鯤鯨英夷跳梁跋

而反離為公神傷我血奸于海以靖逆波逆波猶揚妖魘復僵擊

仇奕誓斬妖魄公目怒張雷碎霆激蒼兕兼義死吹母傲為公復

欽縣知縣廉驥元墓在縣城外東郊

甯河丁志驥戶部右侍

郎倉揚總督廉兆綸墓在縣西南谷家莊

甯河丁志元見昭忠表

浙江太湖營副

將劉宗漢墓在縣西牛莊

甯河丁志直隸固關營參將提督銜諡剛

節趙有勝墓在縣南蘆臺西

甯河丁志勝見昭忠表

昌平州

漢

張孝張禮墓在州西北賢莊口有碑

光緒昌平宋志

唐

諫議大夫劉蕡墓在州竟有明董其昌撰碑

昌平宋志賢傳帝京景物略

志稱蕡宅墓在昌平今其址俱不可尋崇禎五年劉京兆榮嗣

謀于董宗伯其昌為撰碑手書以風策士猶稱司戶存憤也

太尉朱懷珪墓在州城西北十五里積粟山下有唐元載撰碑

無用問談稱泰陵金井內水孔如巨杯水仰歎不止楊名父親見
 之歸而疏諸朝請易地事下工部湯陰李司空鏗怒其多言害成
 功陰令人塞其孔以誹謗狂妄奏命錦衣官校押名父赴陵所
 看名父身親三木朝辭賦詩云禁鼓無聲曉色迷午門西畔立
 時楚人抱璞云何泣杞國憂天竟與朝廷決大疑其志亦可憐
 發但心知殷勤為問山陵使誰與朝廷決大疑其志亦可憐
 廟聖體竟葬此中言之可為寒心李司空居官風采稟晚年尤
 剛勁不阿獨此一事不愜人意按無用問談不知何人所述日
 舊聞所記羣書目錄中未見又按祝允明九朝野記初建泰陵
 都下盛傳有水吏部主事楊子器直言其事九朝野記初建泰陵
 變無子以類稿云此事史紀志不言散見日下舊聞其殆即名父歟
 宗茂陵西武宗康陵在金嶺山東北距泰陵二里靖一統志康陵嘉
 少北二里武宗康陵在金嶺山東北距泰陵二里靖一統志康陵嘉
 葬武宗皇帝孝靜皇后夏氏燕都游覽志傳在泰陵正西
 昌平山水記作距泰陵西南二里光緒昌平志康陵在八寶蓮
 花山即世宗永陵在十八道嶺西距長陵二里一統志又
 金嶺山世宗永陵在十八道嶺西距長陵二里一統志又
 靖十五年改名陽翠嶺李因篤芹城小志傳永陵葬世宗肅皇
 帝孝潔肅皇后陳氏孝烈皇后方氏孝恪皇后杜氏昌平山水
 記作距長陵穆宗昭陵在大峪山東北距長陵四里燕一統志
 東南三里穆宗昭陵在定陵之南東向芹城小志昭陵葬
 志穆宗皇帝孝懿莊皇后李氏孝安皇后陳氏孝定皇后李氏
 穆宗莊皇帝孝懿莊皇后李氏孝安皇后陳氏孝定皇后李氏

昌平山水記作神宗定陵在小峪山東距陵一里一統志
 長陵西南四里神宗定陵在小峪山東距陵一里一統志
 葬神宗顯皇帝孝端顯皇后王氏孝靖皇后王氏一統志
 作在大峪山距昭陵北一里日下舊聞引朱文懿奏議亦稱大峪
 山陵考銀錢山在昭陵之西去九龍池五里萬歷十五年
 三月敬妃李氏薨進封皇貴妃擇地萬貴妃墳之右悼靈墳之左
 葬焉按明史世宗肅皇后陳氏嘉靖七年崩諡曰悼靈墳之左
 峪十五年改諡曰孝潔遷葬永陵則悼靈墳之舊特舊蹟耳
 光宗慶陵在天壽山西峯之右東南距獻陵一里一統志
 宗貞皇帝孝元貞皇后郭氏孝和皇后王氏孝純皇后劉氏在裕
 陵西南俗傳為景泰窀穸是也先是景泰中王建壽宮英宗復辟景
 皇帝遂葬西山下舊聞載朱國祚慶陵詩有云翠微不能擇地乃
 用此為陵按日下舊聞載朱國祚慶陵詩有云翠微不能擇地乃
 樹金粟堆開景帝窀穸足證芹城小志之說光緒熹宗德陵在
 昌平志慶陵在天壽山西峰之右地名皇山二嶺熹宗德陵在
 雙鎖山檀子峪西南距永陵一里一統志
 宗懿安皇后張氏祥符人天啟元年冊立莊烈帝王鴻緒明史稿熹
 皇世祖章皇帝三月李自成破都城後自縊死順治元年尊號日
 燕昭定二莊烈帝思陵在錦屏山昭陵西松一統志
 陵與昭對二莊烈帝思陵在錦屏山昭陵西松一統志

趙一桂呈開墳捐葬事云恭照明陵當昌平州天壽山卑職于崇
禎十七年正署州捕獲盜賊城陷沒故主縊崩至三月二十五日順
天府爲官李紙票爲開墳事仰昌平州官吏即動官銀僱夫速開
田妃墳安葬崇禎先帝及周皇后梓宮四月三日發引初四日
下葬毋違時刻彼時州庫如洗監葬官禮部主事許汝朴王政主
限迫亦再三躊躇卑職與好義之士孫繁祉白紳劉汝朴王政行
等十人共捐錢三百四十員夫役入墳宮內即日申時移于石床
卽停于祭棚內卑職親領夫役入墳宮內即日申時移于石床
右次將周氏安于石床之左後請崇禎先帝之棺居于正中田妃
葬于無事之時棺槨俱備故主有棺無槨遂將田妃之棺移而
之未立塚之前各設香案祭器附近西山地方撥夫百名掩地而
掘筐擔昇土築完卑職與孫繁祉亦捐貲五兩崇禎先帝寢塚
壇高五尺有奇幸一週使故主不致淪于荒郊君后猶享血食
建香殿三間羣牆一週是也朱彝尊按思陵葬日仁龔光祿佳
于後世三代開國不逾是也朱彝尊按思陵葬日仁龔光祿佳
育流寓昌平地官例書某帝之陵合以石奉安梓宮之前時倉
卒不及礮石以輒代之鈐之以鐵乃光祿所書也光祿嘗爲予言
擴始開入石門地甚溼其中衣被等物多黧黑

順治四年四月

諭工部敕朕巡幸畿輔道經昌平見明朝諸陵寢殿宇墻垣傾圮

特甚近陵樹木多被砍伐向來守護未周殊不合理爾部卽將殘
毀諸處盡行修葺見存樹木永禁樵採添設陵戶令其小心看守
責令昌平道官不時嚴加巡察爾部仍酌量每年或一次或二次
差官察問勿致疏虞

順治十六年十二月

諭修明崇禎帝陵詔頃者兩幸昌平周視明代陵隧躬親盥奠俯
仰徘徊以彼諸陵規制咸壯麗相因獨愍帝兩陵荒涼瘁隘典物
未昭因欲繕治陵寢丹堊几楹慰靈爽于九京彰異數于奕禩迺
核少府金錢悉皆小民正供儻增工徒之費殊乖賦式之經然終
不忍聽其闕略用是布告方州開導悃忱交相輸助聿新礮螿以
肅松楸

康熙十四年九月

諭禮部敕朕近行幸湯泉道經昌平見明朝諸陵殿宇雖存戶牖
損壞附近樹木亦被摧殘深爲憫惻爾部卽嚴加申飭守陵人戶
令其小心防護仍責令該地方官不時稽察勿致仍前怠玩

雍正七年三月

上諭明代十二陵之在昌平州者自本朝定鼎以來卽設立太監
陵戶給以地畝令其虔修禋祀禁止樵採

聖祖仁皇帝屢頒

諭旨嚴行申飭著該督轉飭昌平州知州昌平營參將差委人員
時加巡視務令地竟之內清淨整齊倘陵戶或有不敷卽著該督
酌量增添

乾隆五十一年三月

諭直隸昌平州爲前明陵寢之地本朝定鼎後所以加禮前代者

最爲優渥朕此次行幸湯由取道昌平躬詣長陵致奠見諸陵寢
明樓享殿多有損壞神牌龕案亦遺失無存爲之慨然勿忍視自
應重加葺治增設龕位俾臻完備再此次修復諸明陵殿宇等工
卽費至百萬帑金亦所不靳所有此項工程著派尙書劉墉德保
金簡侍郎曹文植德成董率經理務期完固工成後飭該地方官
隨時稽察小心防護嚴禁樵蘇用副隆禮勝朝之至意

乾隆五十二年

上諭順治年間因明陵附近居民于陵旁樵採曾奉

諭旨禁止並添設陵戶看守數十年來地方官並未小心稽察以
致殿宇損漏牆垣欹側之處甚多前年因特發帑金揀派大臣監
督將各陵重加修葺第恐閱時既久地方官查禁不力復不免有
私行樵採及殿宇牆垣間被風雨損壞等事嗣後應交直隸總督

責成霸昌道就近專管稽查仍于每年十月著工部屆期奏請派
該部堂官一員前往查勘如有殿宇牆垣樹株傷損等事惟該管
道員是問著為令

錢陳羣乾隆十年請修思陵饗殿疏昨九月二
日奉旨告祭明代諸陵臣派往思陵思
陵者明莊烈愍皇帝陵也伏查愍帝當國運既替人心既去之時
流寇蔓延兵荒四告在位十七年中未曾營及陵寢逮李自成猝
犯京城引國君殉社稷之義慷慨自裁就葬如園坏土僅掩至為
慘憺遭我世祖章皇帝躬幸思陵憫其荒涼瘁差將事修
葺並勒豐碑越今八十餘載風雨剝落傾圮特甚臣奉差將事修
葺折牆垣倒塌不數年後盡為瓦礫勢所必至幸生闡廢舉幽昌
天見饗殿三間已傾其二惟東偏一間數椽僅存配屋數間瓦毀
椽折牆垣倒塌不數年後盡為瓦礫勢所必至幸生闡廢舉幽昌
明無忌之朝若不據實奏聞于心實有未安仰請
據情垂察諭令督臣轉飭有司重為修葺
一年辛酉禮部議奏昌平州明代二陵向設司香大監十六名
多係虛設且距京稍遠稽查為難每陵有看守陵戶三名又有世
襲一等地恩侯歲時承祭應將前項太監裁歸為民所遺養贍地
畝充補陵戶字護又該州明代妃家六處即十二陵太監承管今
既裁太監應添陵戶四名各給養贍地三
十五畝餘地並交地方官招佃收租從之
光緒七年

上諭戶部奏查核明陵開墾地畝於陵寢有碍請旨辦理一摺昌
平州明代陵寢久嚴禁侵佔地方官宜如何認真稽察加意防護
乃近來官牆左右開墾地畝至數頃之多並已侵佔明堂正路實
屬不成事體著直隸總督順天府府尹查照戶部此次所奏章程
分別辦理其所墾地畝有在一百步以內者一概騰出永遠封禁
並責成該地方官隨時稽查不准再有墾種情事用副隆禮勝朝
至意光緒七年四月二十五日戶部謹奏為查核明陵開墾地畝
明代陵寢開墾地畝情形請旨辦理事順天府府尹咨照具奏查明
平州明代陵寢嚴禁樵蘇所以隆禮聖部核議一摺臣等伏查直隸
查小心防護嚴禁樵蘇所以隆禮聖部核議一摺臣等伏查直隸
應隨時認真稽查何等宮牆左右開墾地畝至數頃之多現經地方官
府尹繪造圖冊送部臣等按冊查核各項墾地畝俱在各陵宮牆
左右有侵佔明堂正路者實屬不成事體查有距墻及寶城數尺者
且有一品塋地九步二品塋地八步等語是品官墳塋尚有限
制前代陵寢尤應保全臣等公同商酌已墾輪糧旗民各地畝如在
一百步為限此次順天府府尹單開已墾輪糧旗民各地畝如在

一百步以內者一概騰出封禁以後永遠不准開
墓以仰體 聖朝保護前代陵寢之至意
光緒八年

上諭誠端奏請飭查驗明陵種地砍樹情形一摺明陵左近開墾
地畝上年四月間經戶部奏定章程諭令直隸總督順天府府尹
查明分別辦理現在曾否清查完竣著將辦理情形據實具奏並
飭該地方官隨時稽查嚴禁斫伐樹株以副隆禮勝朝至意
陵寢每年即遣明裔襲爵者前往致祭誠端即明裔也俞燮
已存稿載雍正二年十月封朱之漣一等侯世襲人丁入正白旗
雍正元年九月乙酉上諭云近於此雍正五年聖祖仁皇帝書
筭內檢得未經頒發上諭一道欽此雍正五年八月世
製裔景陵聖德神功碑云前南巡親祭明孝陵者三又欲封其
後裔俾承世祀予小子祇奉遺言錫之侯爵乾隆十四年八月世
襲定名一 等延恩侯

靳獻王墓滕懷王墓俱在州東十三里 縣山 昌平山水記 光緒
東平王朱能墓在州東北一百二十里 志 一統 金鄉侯王真墓

在州東北八十里 志 一統 襄城伯李濬墓在州東北七十里 志 一統

榮昌伯陳賢墓在州東北九十里 志 一統 興安伯徐亨墓在州

東北五十里 志 一統 慶雲侯周能墓在州西柳林邨畔 志 一統 王

承恩墓在思陵西有

世祖章皇帝御製碑文 禮一統志 昌平山水記 思陵右為司 明

王政行墓在小營邨 昌平志 韓茨撰墓碑略初流賊李自成
棺以柳木置道傍久之為符下昌平令葬與不給以見錢時皆偽
官無有以爲意者於是痛哭各散去十人者與不家財敢懷宗故
田氏之墓以葬既復痛哭各散去十人者與不家財敢懷宗故
亦無有跡之者蓋晦而弗傳久矣康熙十年有王生于官而世
其父之行謁予請表其墓余讀其狀及迎葬山陵事亟問之嘗聞
有十人者父在平曰固也方偽符下州藏無一錢于官門日
夜泣倡九人者各傾其資復得錢三百有五十千為請于官日
宮而合諸如墓凡九人則生亦忘之矣君諱政行號次泉世居昌
平之福會里祖泰父三人皆業農不仕君諱政行號次泉世居昌
某日卒于康熙甲辰三月某日即以其年四月葬于其里小營邨
之原子二敬芳 按十八者日下舊聞載州吏目趙一桂呈報捐

錢崇禎先帝事則劉汝朴王汝朴白紳徐魁李某某鄧參將

科趙永健劉應元楊道王政行也惟李某某未詳其名

趙文魁墓在州東香屯邨之西屯趙姓皆其後裔贈太師少保

孫祖壽墓在城西北龍虎臺昌平宋志傳祖劉娘娘墓在州東

北十八里東劉嗣綰向綱堂詩集原劉姬行序詩又云昌平城

妻也居豹房寵冠一時然終帝世無位號其死當在世宗時乾隆

戊辰盜掘姬墓多獲金寶縣官捕而獲之因作此詩示昌平牧照

堂姪詩云康陵石馬嘶西風墳壙唱荒烟中劉姬碑斷三百載

復道昔入恩承宮武皇外傳昔人補當日翠華幸宣府小部方傳

樂伎名邨膠半醉娛歌舞武人詩法曲仙音侍豹房巫雲朝暮

入高唐龍鳳船隨波去殿脚三千笑蜀岡班姬團扇搖纖手銅

雀分香誓長久玉顏幾輩羨寒雅歌舞宮中寵誰團扇搖纖手銅

偷兒寶匣旋空夜莫知玉盃金蠶灰滅盡空聞子夜鬼歌悲金燈

奕奕殯宮道茂陵那奉夫人號空

說前朝憶餅師明珠十斛人誰報

國朝

甘州副使楊春茂墓在城東界山之陽昌平宋志春湖北巡撫徐化成墓在城東八里南邵邨詹事沈荃撰神道碑昌平宋志化成見

先賢傳

順義縣

無時代古冢

燕王冢在縣西三十里昌平山水記注云縣西三十里有燕王

者也按濕餘當作灤餘燕王不知何世水經注無此文若即指

灤水篇灤水又東逕燕王陵南則其陵有二為漢靈王燕康王

在古薊縣地金蔡珪傳兩燕王冢舊在中都東城外海陵廣京城

圍基在東城內是也何以又在順義竟顧氏或曰云云亦縣莫能

定之詞無可疑

元

慈濟張真人墓在呼奴山前據懷柔吳志按唐之懷柔為今順

懷柔縣志誤將呼奴山載入志中而又錄此墓殆

不知今之懷柔實非舊地舛錯甚矣今改入于此

明

李慶墓在縣西三十里志一統少保李賓墓在縣南二十里李家

順天府志二十六

莊順義黃志 口口撰李公墓表畧李公卒于私第上聞驚悼詔

于成東之新壘公諱賓字廷用號敬菴姓李氏世為畿內順義人卒

薛駙馬環墓在西府邨順義黃志 將軍宋朝粹墓在臨

河邨順義黃志 山東巡撫郎永清墓在梭陀莊順義黃志 湖廣按察使

郎建棘墓在梭陀莊順義黃志

密雲縣

唐

劉武周墓在東南提轄莊北密雲丁志

遼

遼太后墓在縣竟日下舊聞 徐昌祚燕山叢錄密雲有大古墓

羣蜂飛出螯人遂不敢入 劉存規墓在縣之嘉禾鄉密雲丁志

存規字守範河間王二十四代孫大遼間屢著奇功拜為積慶宮

都提轄使金紫榮祿大夫校尉司空兼御史大夫上柱國卒于應

歷五年葬密雲嘉禾鄉子五長繼玘攝順義軍節度衙推次繼英

永康府押衙次繼昭山河都指揮使次繼倫定遠軍節度衙推見

元

董元帥墓在縣東八十里牆子嶺密雲丁志 蕭丞相墓在縣西二十

里蒼頭密雲丁志 楊佑墓在縣之燕樂莊密雲丁志 燕樂寨縣東北五

十里有安樂莊即安樂郡有城址存又云佑元武畧將軍世家檀

州中統辛酉充檀州管軍官通敏有才幹擢檀州探金都提轄

國朝

兵部尙書范承勳墓在縣北青甸莊有神道碑張廷玉撰密雲丁志

又云公先自卜擴亥已兼乾巽傍置別墅號青溪莊 王揆撰墓

誌兵部尙書范公諱子告十有一年以疾卒于邸第訃聞 王揆撰墓

子憫悼贈公如禮公諱承勳字蘇公號眉山又自號九松主人故

太傅文肅公諱文程子而浙閩總督忠貞公諱承謨弟也忠孝世

胃為遼左族望第一公卒于康熙甲午二月初一日距公之生為

前明辛巳三月十八日年七十有四公晚歲愛密雲山水遂卜兆

仿漢趙子一鄉故事自為生墳鳳山清泉間配穆奇羅氏繼沈氏

趙氏子一鄉故事自為生墳鳳山清泉間配穆奇羅氏繼沈氏

上即命時繹襲之時繹以康熙五十四年八月二十二日葬公于密雲縣北之清溪莊即公所自營生曠處也

使鄂口墓在青甸莊密雲志漕運總督郎溫勤廷極墓在縣東十

二里柏崖密雲志李紱撰墓誌銘康熙五十四年正月朔

公趙公望闕行賀正禮蒙郵公故奉天廣甯人先世有

督京師秋七月其孤文燾文勳以公喪至京諭祭如典禮

賜諡溫勤諸孤以冬十二月某日葬公于密雲某山故壟公諱廷

極字紫衡生康熙二十年四月三日高大中丞墓在縣北鄉青水峪密雲志

初十日距卒得壽五十三有三月

而志按志未著其名

懷柔縣

元 懷柔縣志

東平王劉公墓在縣兩河莊懷柔志

明 贈懷甯伯孫林墓在縣北紅螺山前有正統四年尙書李賢碑懷柔志

吳志 懷甯侯孫武敏鎧墓在縣北紅螺山前有諭祭碑及大學士

彭時撰神道碑懷柔志武定侯郭勛墓

在縣北紅螺山前懷柔志成山伯王公墓在縣西北七里懷柔志

兵部主事成介愍公德墓在縣北鳳林山前懷柔志

撰墓碑略故明甲申之變君死社稷順治十年詔搜輯故明殉難

諸臣以信史冊禮臣上其事凡二十有八人而故兵部車駕司成

公與焉因得此葬錫諡介愍炳炳乎表忠顯烈公既光垂簡帙矣

然未悉其一門之節烈丙午予承命飭兵昌密懷柔周令特以其

邑故紳成公難之事請予承命飭兵昌密懷柔周令特以其

門忠烈可風也公諱德字元升其紀事而曰有是哉成公之闔

籍焉甲申三月寇圍京師城陷公長跽請其母曰太君日君死國

臣死君兒之分也忠孝難以兩全母避其母曰兒為忠臣吾獨

不能為忠臣之分也忠孝難以兩全母避其母曰兒為忠臣吾獨

亦一日將何歸乎有死而已皆自縊嗟乎死節者有之矣孰有如公

也一門從容就義視死如歸邑令祠公于鄉且為之除墓棘樹豐

碑紀其事以永之而為之銘曰山巉巉兮鬱蒼蒼石磷磷兮風

霜水鳴咽兮流長忠魂此埋骨兮馨香闔門正氣兮流芳鬼神呵

祀無疆

國朝

范太傅文肅公文程墓子都統達禮附葬在縣北紅螺山前有

賜諡及

諭祭碑

懷柔吳志 志又云都統原名承蔭後更達禮李肅撰

卹典請

墓誌略公謝政狹一紀以今康熙丙午卒于邸第禮臣以

已而長

公副都統造壽日先太傅葬有期矣幽宮之石宜有言

按范氏

系出宋文正仲淹文正忠宣公純仁忠宣之弟五子正

國為宋

樞密院理官靖康之變扈元祐孟太后至江西遂家臨

川六傳

至景申公岳明洪武中任為雲夢縣丞坐事謫遼東瀋陽

衛遂為

瀋陽人公生年丁酉正月二十四日享壽七十公諱文程

字憲斗

號輝嶽 范忠貞公承謨墓子兵部尚書時崇祿葬在山北莊有

賜諡碑及兩次

諭祭碑 懷柔吳志 范氏家傳公既殉節閩海有義士許鼎負骸

勒石表

其墓道而以 諡忠貞 御書真本賜其家真古今曠典也

兵部侍郎范承烈墓在山北莊

懷柔吳志 知縣秦簡墓在城西觀

音寺側

懷柔吳志

涿州

盧植墓在州東河邨里

一統志 植見先賢傳 後漢書列傳盧

穴不用

棺槨附體單帛而已 長安客話涿州竟東南有漢盧植

墓土人呼

為南臺金王寂詩南臺故址今頽然漢盧植墓今相傳

尺許土人指

為盧植墓墓旁有石半沒土中亦無字蹟可攷

晉 將軍王友墓在州東二里

涿州 文將軍墓在州西粉水口 涿州

隆安中

廣記范陽粉水口有一墓石虎石柱號文將軍冢晉安帝

厄人以自

安覺說之人皆同 雖心惡之恥為夢迴及葬鳴鼓角為

聲勢聞墓

上亦鼓角及鏡 甲聲及至墓死于墓門者三人後閭邱

將軍之崇

所誅人以為文 鮮于亮墓在州南三里 唐

唐 將軍之崇

按墓今無考 鮮于亮墓在州南三里 唐

將軍之崇

按墓今無考 鮮于亮墓在州南三里 唐

將軍之崇

按墓今無考 鮮于亮墓在州南三里 唐

將軍之崇

按墓今無考 鮮于亮墓在州南三里 唐

將軍之崇

按墓今無考 鮮于亮墓在州南三里 唐

將軍之崇

按墓今無考 鮮于亮墓在州南三里 唐

袁天綱墓在州東北浮落岡一統志李淳風墓在州東北向陽里

涿州志 司徒張液墓在州東南西掖邨涿州志清河張秀墓在州

東南隅涿州志元夏以忠昭佑靈惠公廟碑涿州郡東南隅

軍兵馬使司寇大將軍檢校太子詹事安東副都護兼御史中丞

郡人麗其瑩而祠之目曰金甲將軍歲致祈禱又墓嘗圯得金明

昌六年石刻紀後漢將軍沒于是邑而葬焉

周 寶禹鈞墓在州西南二十里團柳邨涿州志志又云土人呼

瓦石投之鏘然有聲

遼 王吉甫墓在州南郭涿州志

金 高師成墓在州南永豐里涿州志翰林學士李愨墓在州南梁口

元 涿州志 尚書高知廣墓在州東徐里營涿州志大名路總管張子良墓在

州東呂邨涿州志大名路提舉劉瑾墓在州東北臺邨涿州志范

陽郡侯忽都真墓在州東河邨涿州志廉訪使王義墓在州南郭

涿州志 楊仁美墓在州東河邨涿州志中奉大夫王德亮墓在州

南莊頭邨涿州志

明 侍郎李敦墓在州南永豐里一統志都御史秦敬墓在州東河邨

涿州志 鎮撫楊瑛墓在州北永樂里涿州志都督王端墓在州東

南交渠里涿州志尚書田景賢墓在州東二里涿州志尚書鄧璋

墓在州東八里涿州志兵部尚書史道墓在州城南有季本撰神

頭天待志二十六

卷

道碑涿州吳志

代府右長史前戶部員外郎頓銳墓在州竟撰楊淪

先賢傳

國朝

太保馮銓墓在州西北栗園莊涿州吳志

知州楊瑜顯墓在

州南關外涿州吳志

房山縣

漢

紀信墓在縣南三十里韓邨房山佟志

唐

孫士林墓在縣西南趙邨有碑房山王志

墓誌乃唐將軍孫士林字茂卿墓其文最詳蓋碑文美將軍善將

兵因援引古人謂為孫臍之後而土人不識但見上有孫臍二字

遂以為賈島墓在縣南十里地被撥入旗舊迹幾泯人無識者

引縣長安客話又云島墓本在普州安岳縣移風鄉蘇絳誌文足據

于蜀歸葬房山全明一統志乃載入房山蔣仲舒遂謂島卒

金

太祖睿陵在縣西北二十里雲峯山下一統志

熙宗于焜眉谷日思陵蓋每陵以前諸帝皆葬此金史貞元三年

五月乙卯命判大宗正事京等如上前奉遷太祖太宗梓宮太

宗恭陵在雲峯山下上詳

世宗興陵在縣西北大房山東北一統

章宗道陵在大房山東北一統志

二年遷于南京三年五月中都舊聞考雲峯山金帝陵順治初

祖章皇帝御製碑文每歲春秋致祭

謁東華續錄乾隆十七年二月直隸總督方觀承奏遵親詣展

謁東華續錄乾隆十七年二月直隸總督方觀承奏遵親詣展

謁東華續錄乾隆十七年二月直隸總督方觀承奏遵親詣展

謁東華續錄乾隆十七年二月直隸總督方觀承奏遵親詣展

謁東華續錄乾隆十七年二月直隸總督方觀承奏遵親詣展

謁東華續錄乾隆十七年二月直隸總督方觀承奏遵親詣展

旨相度金陵在房山縣北崇山之內金太祖陵前地基稍寬應增修相殿一繚以圍牆立正門其原有之祭臺甬路階砌等項並加修治金世宗陵前地監應增修殿一並祭臺圍牆甬路等項不能立正門今就碑亭接運柵欄立兩角門足符體制並將自房山北門至金陵山路二十里報聞 十王家在縣西北十五里石門峪山一併修治奏入

元 金之宗藩也

高尙書彥敬墓在縣北六里羊頭岡下 日下舊聞 彥敬見僑廬傳 查嗣琛 查浦輯聞

尙書有墓在羊頭岡故西巖姚庸詩有云月射羊岡 玉樹林山齋猶在白雲深今土人已無知其處者

明

姚少師廣孝墓在縣東北四十里太平里 一統志 明宣宗實錄 師榮國公姚廣孝神道碑初廣孝卒太宗皇帝親製碑文命有司

營葬并樹碑神道碑已具而未刻至是其養子繼以請上出承樂中御製文付之日其即刻碑以成皇 祖嘉念功臣之志 廣孝見釋道傳

國朝

大中大夫繼亭佟公暨劉淑人墓在縣西大房山下有總督浙江

軍務趙廷臣撰墓表 房山佟志 表云佟氏自晉魏以降世籍撫

繼亭公立身制行事以古人為法每讀史傳至忠孝節義輒歎

歎歎息然慕之不斤斤制舉業元配劉淑人梁孟儔也柔順貞

靜克嫻婦則與繼亭公俱以孝恭著節卜吉于康熙四年二月二

十六日合葬房山之先阡 吳偉業劉淑人墓誌銘畧大房山之

下有佳城鬱然斗泉聖水蜿蜒趨之者是為佟母劉淑人之墓淑

人之葬也子江南北方伯彭年從政于吳季弟房山令有年為

書告兄曰呂望封齊三世葬周不忘本也吾家備旌車之族掌環

列之官循墓大夫遺制三輔股肱山川完密莫宜于房邑將以月

日逆吾母之 魯旦復墓在樓邨 魯叔旦復公墓詩注云在房山

喪而期焉 張中丞墓在縣東南一里許 房山 九女墓在縣南一里

邨 許房山 佟志

漢 霸州 公孫渾邪墓在州東 一統志 長安客話公孫渾邪卒葬于平曲

城俗名花達墓在霸州東二十里 日下舊

聞 順天府志二十六

漢 霸州 公孫渾邪墓在州東 一統志 長安客話公孫渾邪卒葬于平曲

城俗名花達墓在霸州東二十里 日下舊

聞 順天府志二十六

聞引作二十五里今按同治十三年州志邨莊門州東有平曲邨屬臺山里亦作二十五里又按會通河北支自三岔口東北流入州之東南竟又周堪墓在州南二里漢光祿大夫周堪墓在城北逕花達墓

明

郭御史龍墓在維民坊東北霸州周志志又云龍四川宜賓人

于此葬裴侍郎王宗義墓在城東十五里霸州周志志又云

王遴墓在州東一統志見先賢傳遴南京工部侍郎張恕墓在州竟洪

鍾撰墓誌銘志云正德戊辰七月十七日工部亞卿張公卒官其子聰踵門泣求誌銘按公諱恕字希仁世居順天霸州公生于景泰壬申距卒享年五十有七配江氏子三長龍次身俱卒次即驄驄卜正德四年春二月甲申扶柩歸葬于祖塋之次

國朝

戶部侍郎郝傑墓在城東青口邨有

諭祭碑霸州周志傑見先賢傳

文安縣

無時代古冢

康王墓在縣西南文安楊志志又云不詳世系墓高丈餘圍五

枯疑為隋道云唐王墓在縣東南天德店文安楊志志又云

冢在縣西南孫家務西里許文安楊志志又云不知何氏上有

孝

漢

樂巨叔墓在縣東南二十五里一統志後從燕人趙毅生間生巨叔毅

封昌國君至漢高祖求毅之後

唐

都御史董甫墓在城西南安祖店迤北文安楊志志又云萬麻

畏晉公撰工部尚書張仁憲墓在縣西北三里相公莊有神道

崇明知縣陳慎墓在城東久遠莊文安楊志慎見先賢傳倉塲總督陳

協墓在慎墓側文安楊志慎弟見先賢傳崔廷珍墓在縣東北急流口西

文安楊志侯捕賊于柴溝邨奮勇爭先被重傷身隕邑人痛惜之

大城縣

秦

太子墓在城北六十里段堤邨日下舊聞引皇甫鑿城豕記大城志相傳始皇巡狩沙漠駐蹕

于此值幼子薨因瘞之昔年居民向豕祈禱無不應者人呼為仙人墓

晉

王義之墓在城西王祥邨日下舊聞按徐昌祚燕山叢錄大城志西五里有古墓近世民竊發之見五色石槲上有王義之三字乃掩之好事者因立石識其處右軍故

琅邪人流寓江左墓本在會稽今大城云云其妄無疑張志云義字疑義字之訛似宜從

唐

靳夫人墓在城東南十五里曹學佺名勝志大城張志兗州長

董縣令墓在城西王祥邨大城張志岷眉令僅有邱形石碑無存

金

趙榮趙展墓在縣西梁邨大城張志立迄今有土邱纍纍如貫珠

元

同知廣東宣慰司事王守信墓在縣北孟邨大城張志神道碑略至元三十

年年五十六六月四日卒廣州在官三十平章劉寬墓在縣東

二十里交河邨北大城張志所盪刷字不能辨相傳為劉寬墓左丞武

成墓在縣北六十里武家莊大城張志

明

僉憲傅吉墓在城東二十里小流漂邨大城張志云公按甘肅有聲封公

馬齡墓在城東郝兒莊大城張志憲副馬慎墓在城東北樓堤邨大城

張志 刺史馬雲鴻墓在城東姚家渡張志 郎中孟錡墓在城南

趙二邨張志 封公李淮大中丞李松墓俱在城西陳邨張志

封公劉鉞太常卿劉大受墓俱在城西王香屯張志 舉人劉汝

為偕烈婦馬氏墓在城西王香屯張志 按察使李應

魁墓在城南宋家莊西張志 封公劉灝墓在城東趙扶邨張志

知府鄧希皋墓在城北隴中邨張志 知縣鄧希夔墓在城南

白羊邨張志 知縣梁國棟墓在城東南賈莊邨張志

國朝

贈僉事保康縣知縣薛溥墓在城南白羊邨張志 兵部主事薛

元瑞墓在城南白羊邨張志 都察院左副都御史劉漢儒墓在

城北二里許張志 知縣王建中墓在城北興兒莊張志

陝州知州吳夢周墓在城南田莊邨張志 推官王秉乘墓

在城西王祥邨張志

保定縣

漢

張堪墓在城西南二里一統志 按後漢書張堪拜漁陽太守開

處史無明文非如朱邑桐鄉之鑿有可据惟考保定于漢為涿郡

易縣地與漁陽郡統屬幽州其界相連或亦堪遺愛所在然其蹟

已不可辨矣

唐 寶建德墓在城西南二十里保定成志 按新舊唐書建德于陣

真也宛平志亦載有 建德墓未知孰是

元

湖北道宣慰使張榮實墓保定成志 都督元帥張玉墓保定

志成

明

刑部郎中仝士元墓在縣西燕子口保定成志 刑部山西司郎中仝

保墓在縣南羊路曠東保定成志 監察御史楊常墓在縣東南孔家

務北保定成志 太僕寺少卿宋口墓在縣西北張青口保定成志 戶部

主事榮守正墓在舊城南保定成志 志又云 山東按察司僉

事王誥墓子顯宗附葬在縣西南保定成志 志又云侍郎張潮

宗墓 山東文登知縣王廷楹墓在城西保定成志 工部郎中史瑜

墓在縣西莊頭南岡保定成志

國朝

戶部主事劉餘清墓在老城南保定成志 志又云有大學士傅

薊州

戰國

燕昭王墓在盤山千像寺之東十里薊州沈志 劉之推九州要

北有無終山山上有燕昭王冢冢去千像寺東南不數里而人無

知之者 欽定盤山志燕昭王冢通志在玉田縣并述明志在府

西清河縣保定府志在易州東南南錯互不可置辯劉之推作九

州要略時張華伐木照狐之說尙可稽訪所言宜較確鑿耳

明 御史歐信墓在州東三里有諭祭碑石人馬等物一統志 祭酒成

憲墓在城東三里有神道碑薊州沈志 御史劉口墓在州西白馬泉

下有諭祭碑薊州沈志 御史錢口墓在城西一里有封誥碑諭祭碑

薊州沈志 尙書賈斌墓在州東七園莊有諭祭碑薊州沈志 侍郎毛綱

墓在州東七里鳳凰山下薊州沈志 尙書燕忠墓在州東三里一統志

御史李口墓在州東六里珠兒峪薊州沈志 吏部張口墓在州西北

香林寺左側薊州沈志 處士李孔昭墓在州北二里白馬泉西薊州沈志

孔昭見先賢傳 戴孝子墓在州東北二里悟樂菴東薊州沈志 舊志戴

夢熊浙之浦江人事母至孝死葬于薊
此墳或即其墳姑志之以備後之參攷

薊州

恆親王園寢在州東北六里鍾靈山下

薊州

榮親王園寢在州東北四十五里黃花山下

薊州

端慧太子園寢在州東三十里朱華山乾隆八年建設立千總一

員外委一員馬兵七名守兵四十七名以守護焉

郎韓鏞墓在州東一里北大井

節人也公以別駕入仕揀發東河超擢至東河總督嘉慶四年轉

兵部左侍郎純廟上賓奉護裕陵積勞致疾得請告並准入

大興籍九年八月十二日卒于京邸年七十六配阮氏早卒葬本

籍繼聶氏後公三載以十一年五月及夫人合葬于薊州東門外

猷孫開泰開景卒之明年樹猷以公及夫人合葬于薊州東門外

葛家廟術者以為不吉道光元年八月開景卜改葬于薊州東門

外北大井詩僧智朴墓在盤山盤谷寺之東

井邨既卒其徒葬于盤谷寺之東往予過之墓前竟無一

字予為題曰清詩僧智朴之墓

智朴見釋道傳

廣東候補

知府李潤墓在州東三十五里朱華邨

婦墓在州東三十里趙格莊南撈掬溝

西三義廟前

吳可讀墓在州東馬伸橋三義廟東一里許

光庚戌進士以部郎游升河南道監察御史同治十二年因疏劾

烏魯木齊提督成祿語近激烈部議免官光緒初元起廢選授吏

部主事五年春三月奉安馬伸橋三義廟居五日仰藥畢命閏三

月初六日禮成獨留于州之馬伸橋三義廟東里許今從邸報錄其遺

疏并絕命詩于後遺疏于州之馬伸橋三義廟東里許今從邸報錄其遺

吳可讀跪奏為臣聞治國不諱亂安國不忘危大統之歸可舉可忘

生忠愛事竊罪臣聞治國不諱亂安國不忘危大統之歸可舉可忘

則進苦口於堯舜為無疾之呻吟陳隱患於聖明為不祥之舉動

罪臣前因言事忿激自甘或斬或囚經王大臣會議不祥之舉動

頭天壽卷二十六

聖

臣明等杜牧之罪言雖逾職分效史籍之尸諫祇盡愚忠罪臣尤願我之心調劑寬猛養忠厚和平之福任用老成母爭外國之宗爭為中華留不盡母創厚命于斯再宗之所未創為子孫留餘罪臣言畢于斯願畢于斯命畢于斯再宗之所未創為子孫留餘具衙門所以今職不能專達員內未派及罪臣是以上進罪臣前以求臣衙門所派隨同行禮司員未派及罪臣是以上進罪臣前以料想寶堂官無不學士寶鑿始派而當罪臣之容疑于殉葬不禁哀痛迫切謹以我大統所繫皇帝龍馭永歸天下普天同泣故不鼎前星預祝紫微宮相逢老輩寥寥甚到處先忠坏土已成黃帝生好好同欲問孤臣戀恩所五更風雨薊門東

平谷縣

上古
黃帝陵在縣東北漁子山日下舊聞考長安客話世傳黃帝陵
隆然形如大豕即漁子山也其下有軒轅廟復按云史記黃帝崩葬橋山魏王象繆襲等撰皇覽云在上郡地志謂是上郡同陽縣括地志謂在甯州羅川縣東八十里午山今平谷之陵人多疑流傳之誤然帝既都涿鹿則葬于此理亦有之抑衣冠之葬或

者非一處也 大清會典告祭軒轅陵
本朝仍舊制在今陝西鄜州之中部縣竟

漢 馬成墓在縣東二里一統志

金

巨構墓在縣南八里有碑一統志 轉運使張格墓在縣北

八里平谷志 金花公主墓在縣東三十里上馬家莊平谷志

元

都元帥府經歷張伯道墓在縣竟平谷志 奉訓大夫張居仁墓在

縣東北十五里平谷志 奉訓大夫張仲文墓在縣東北十五里平谷志

進士張德温墓在縣東北十五里平谷志 葆真太師墓在縣

東北二十里明萬厯沈志但傳有碑而未著年代今附于此

明

營州中屯衛世襲指揮同知楊家墓在城西北半里平谷續志載墓碑云

一世楊春二世楊鏞三世楊亨義四世楊玉琢五世楊耀六世楊清七世楊加猷加猷由襲鎮守龍泉關原籍湖州卒皆葬于此康熙二十三年

楊加謨立石

國朝

翰林院侍讀雲南學政牛坤墓在縣東關外平谷續志坤字次原原籍天津

嘉慶年間徙居縣城內咸豐年間卒內閣中書山西汾州府知府牛鎮墓在縣東

關外平谷續志正定府教授牛昌籙墓在城東北一里下紙寨

莊平谷續志正定府教授卒于任歸葬于此原籍天津靜海縣

華陽吳祖椿校

